

ANG MGA PANGUNAHING
BATAYAN
NG
ISLAM



www.islamhouse.com

المكتب التجاوفي الدعوة وتوعية الجاليات بالربوة
ISLAMIC PROPAGATION OFFICE IN RABWAH
P.O.BOX 29465 RIYADH 11457 - TEL 4454900 - 4916065
FAX 4970126 - E-Mail:rabwah@www.com

()

Isinalin sa Wikang Pilipino (Tagalog) ni:

Ahmad Jibreel Salas

Unang Limbag 1427 H., 2006 CE

Ang lahat o anumang bahagi nitong aklat ay maaaring gamitin sa anumang pamamaraang paglalahad hangga't ang nilalaman nito'y hindi inililihis sa tamang kahulugan at diwa nito.

Nais naming ipaabot ang aming taos-pusong pasasalamat sa lahat ng tumulong sa pagpapalimbag ng aklat na ito. Nawa'y biyayaan sila ng Allah sa kanilang mga pagsisikap. Kung mayroon kayong pagtutuwid, puna o katanungan hinggil sa aklat na ito, mangyaring makipag-ugnayan lamang sa: **www.islamhouse.com**



1427 H
[4588]

Inilimbag ng:

The Islamic Propagation Office in Rabwah
Tel. 4454900 - 4916065
www.islamhouse.com

© يحق لمن شاء أخذ ما يريد من هذه المادة بشرط الأمانة في النقل وعدم التغيير في النص المنقول ولا حذف شيء منه. والله الموفق.
إذا كان لديك أي سؤال أو اقتراح أو تصحيح يرجى مراسلتنا على العنوان التالي:

www.islamhouse.com

المكتب التعاوني للدعوة وتوعية الجاليات بالربوة
هاتف: 4454900 – 4916065 تحويلة
عنوان الموقع: **www.islamhouse.com**



**Sa Ngalan ng Allah,
Ang Mahabagin, Ang Maawain**

PANIMULANG SALITA
(Ng Tagasalin)

Ang Kadakilaan at Kaluwalhatian ay para lamang sa Allah ﷻ at nawa'y ang Kapayapaan at Pagpapala ng Allah ﷻ ay ipagkaloob sa Kanyang Huling Sugo (Muhammad ﷺ). Isang karangalan at dakilang gawain ang magsalin ng mga magagandang lathalain ng mga pinagpipitaganang Muslim iskolar, na ang tanging layunin sa buhay ay ibantayog ang Kaisahan ng Allah at palaganapin ang tunay (at tamang) prinsipyo (*Aqeedah*) sa bawa't Muslim at itakwil at ilantad ang anumang lihis sa tunay na aral ng Islam.

Ang relihiyong Islam ay isang pangkalahatang mensahe na batay sa prinsipyo (*Aqeedah*) ng Pagkilala at Pagsamba nang tuwiran sa Tanging Isang Tunay na Diyos (Allah). Ang Islam ay hindi nagbibigay ng pagtatangi-tangi sa mga tagasunod (mananampalataya) nito maging ang kulay ay itim, puti, o ang lahi ay Arabo at di-Arabo. Ang pinakamarangal (at mabuti) sa paningin ng Allah ﷻ ay yaong mabuti at may mapitagang takot (at tapat na sumusunod o sumusuko) sa Kanya. Ang pangkalahatan¹ (universality) ng Islam at ang matibay (maliwanag at makatuwiran) na kasagutan sa suliranin ng tao ay nakaakit sa puso ng mga iba na hindi ito kailanman natagpuan o nabigyan ng katuparan ng kanilang relihiyon para sa kanilang ispirituwal na kakulangan. Gayunpaman, ang aming tunay na layunin ay upang bigyan ng katiyakan ang mga yumakap sa Islam ng tamang prinsipyo ng pananampalatayang ito. Ang hindi pagsasaalang-alang ng tamang prinsipyo ng Islam ay nagbibigay daan sa bagong Muslim upang ito ay lumihis tungo sa kamay ng ibang naliligaw na pangkat o samahan ng mga Muslim.

Sa aking mga kapatid na Muslim (lalaki man o babae), ang aklat na nasa inyong kamay ngayon, *Ang Mga Pangunahing Batayan ng Islam* ay unang isinulat ni **Shaikhul Islam Muhammad bin Sulaiman at-Tamimi**, unguni't pagkaraan ay ginawa ni As-Shaikh Muhammad at-Tayyib Al-Ansari Al Madani sa paraang Tanong-Sagot na kaayusan ni **As-Shaikh Muhammad at-Tayyib Al-Ansari Al Madani**. Sa abot ng aking kakayahan at katapatan ay pinilit kong sumunod sa diwa nito batay sa wikang Arabik na sa katotohanan ay imposibleng maisaayos mula sa wikang Arabik na hindi kasasangkutan ng paglihis sa istilo at kagandahan nito. Gayunpaman, pinahalagahan ko na mapanatili ang tunay na paksa at kahulugan ng mensahe upang ipalaganap ito nang walang pagkukulang.

¹ Pangkalahatan (universality)- ang Islam ay para sa sangkatauhan. Magkagayon, anumang lahi ng tao at saan mang pamayanan at panahon, ang Islam ay umuugma at umaangkop sa takbo ng buhay ng bawa't tao. Ito ang nagbunsod sa iba't ibang tao upang yakapin ito at gawing panuntunan sa araw-araw na pamumuhay. Ito rin ang naging inspirasyon ng tao upang sila ay tumahak sa landas ng kabutihan. Katotohanan, sa lahat ng aspeto ng buhay, may magagandang batas at mga aral na dapat isagawa upang makamtan ng isang naghahangad ng kapanatagan at kapayapaan ng kanilang buhay at maging ang paghahanda sa kabilang buhay. (Ito ay karagdagang paliwanag ng tagasalin sa Wikang Pilipino-Tagalog)

Bagaman ang mga talababa (*footnotes*) ay hinango mula sa Arabik na paksa ng Apat na Pamantayan (*four rules*), aking isinaalang-alang ang katotohanan na ang mga mambabasa ay hindi sanay sa mga Arabik-Islamikong konsepto at kahulugan. Samakatuwid, ako na mismo ang nagbigay ng mga talababa sa unang kabanata ng aklat na ito- *Ang Mga Pangunahing Batayan ng Islam*. At sa pamamagitan ng pagpapaliwanag at pagpupuna ng mga ibang paksa ng mga sumunod na kabanata ay napag-isipan ko na ito ay lubhang kailangan upang ganap na maunawaan ang mga pangungusap o mga pahayag at salaysay. At ang pagbanggit ng mga pangyayari na makapagbibigay ng katuwiran upang ang mga rebelasyon ng naturang talata o pagpapaliwanag ng mga komentaryo at ang kahulugan ng ibang terminolohiya katulad halimbawa ng *At-Taghoot, Hunafaa o As-Samadh* ay ganap ding maunawaan.

Katulad ng aking nabanggit, ang paksang Arabik ay may mga talababa na ang mga ilan ay isinulat ng tagapaglimbag, **M. Melibari**, at ang iba naman ay mula kay **Shaikh Muhammad Munir Ad-Dimashqi**. Sa pagsunod sa matalinong pagtitiwala at pagkakilanlan sa pagitan ng iba't ibang pangkat ng mga talababa (*footnotes*), nilagyan ko ng palatandaan ang mga talababa ng mga naunang naglimbag nito sa pamamagitan ng *asterisko* (*) at yaong kay **Shaikh Ad-Dimashqi** ay sa pamamagitan ng unang titik ng kanyang pangalan (**MD**) samantalang ang aking sariling talababa (*footnotes*) ay binigyan ko ng palatandaan sa pamamagitan ng unang titik ng aking pangalan (**M.M.**).

Idinadalangin ko sa Allahﷻ, ang Panginoon ng lahat ng (nilikha) daigdig na tanggapin nawa Niyaﷻ ang panahong ginugol natin dito at idagdag ito sa talaan (ng mabubuting gawa) sa Araw ng Paghuhukom, ito ang araw na ang yaman o mga anak ay hindi makatutulong maliban sa taong humarap sa Allah ﷻ na may mabuting puso.

M. Murad (English Translator)
Jamadal Awwal 1410
December, 1989
BC Canada.

الأصول الثلاثة ويليها القواعد الأربع , وعقيدة السلف

ANG MGA PANGUNAHING BATAYAN NG ISLAM

Tayo ay humingi ng tulong sa Allah ﷻ, at magsumamo sa Kanya na pagpalain at bigyang karangalan ang ating Propeta Muhammad ﷺ, ang kanyang angkan at mga kasamahan.

Tanong: Ano ang mga paksa na dapat matutuhan ng bawa't isa?

Sagot:

1. Ang **Kaalaman** tungkol sa Allah ﷻ, sa Kanyang Propeta at sa relihiyong Islam batay sa mga patunay mula sa (Aklat) Banal na Qur'an.
2. Ang **Pagsasakatuparan** ng Kaalaman².
3. Ang **Pagpapalaganap** ng Kaalamang ito.
4. Ang Pagtataguyod ng (Kaalaman) na may lakip na Pagtitiis (at pagpapakasakit) sa anumang bunga na kasasapitan nito.³

Tanong: Anong patunay mula sa Banal na Qur'an tungkol sa paksang binanggit sa itaas?

Sagot: Ang Salita ng Allah ﷻ:

وَالْعَصْرِ ﴿١﴾ إِنَّ الْإِنْسَانَ لَفِي خُسْرٍ ﴿٢﴾ إِلَّا الَّذِينَ ءَامَنُوا وَعَمِلُوا الصَّالِحَاتِ وَتَوَّصَوْا بِالْحَقِّ وَتَوَّصَوْا بِالصَّبْرِ ﴿٣﴾



“Ako ay sumusumpa sa (pamamagitan ng) Panahon⁴. Katiyakan, ang tao ay nasa kawalan. Maliban lamang sa mga may pananampalataya sa Allah at gumagawa ng mabubuting gawain, at nagpapayuhan sa bawa't isa ng katotohanan, at nagpapayuhan sa bawa't isa ng pagtitiis.”⁵

² Mahalagang maunawaan ang kahulugan ng ‘pagsasakatuparan’ sa paksang ito lalo na tungkol sa Allah ﷻ. Una sa lahat, ang Allah ﷻ ay Siyang Tanging Nag-iisang tunay na Diyos na karapat-dapat pag-ukulan ng tapat at wagas na pagsamba, pagmamahal at pagsunod. Ikalawa, Siya ang Tanging Tagapaglikha na inaasahan ng lahat ng nilikha bilang Tanging pinagkukuhanan ng kabuhayan. Ikatlo, ang mga Banal na Katangian at Magagandang Pangalan ng Allah ay hindi maaaring iakibat o iugnay sa kaninumang mga nilikha. Ang pagpapatupad ay nangangahulugan din na ang Allah ﷻ, Luwalhati sa Kanya, ang Kataas-taasan, ay ganap na malayo sa anupamang kakulangan o kagahulan, at walang anumang bagay ang maihahalintulad sa Kanya. Ang pagpapatupad sa pagkakaroon ng kaalaman tungkol kay Propeta Muhammad ﷺ ay nangangahulugan ng pagmamahal at paggalang sa kanya nang higit sa kaninumang nilikha at ang pagsunod sa kanyang mga Sunnah, at bigyang katiyakan na ang mga ito ay manguna o mangibabaw kaysa sa mga opinyon lamang ng iba sa lahat ng pagkakataon. (MM)

³ Ang isang Muslim ay nararapat na balikatin ang tungkuling ito nang may pagtitiis habang isinasakatuparan ang lahat ng uri ng pagsamba, umiiwas mula sa mga gawaing pagsuway at tumatalikod sa anumang pagnanasang masama. Ang mga pighati at dagok ng buhay ay nangangailangan din ng katatagan at pagtitiis sa pagharap ng mga pagsubok na ito.

⁴ Ito ang matibay na panunumpa na pinanindigan at ginawa ng Allah ﷻ at nagbigay paliwanag na yaon lamang na mayroong tamang pananampalataya (at pananalig sa Kanya) at gumagawa ng mabubuting gawain ang magkakaroon ng tagumpay. Ito rin ay nagpahiwatig ng mga patunay sa apat na paksang tinalakay sa itaas na pahina: 1, ang Kanyang Salita na “yaon lamang na may tamang pananampalataya” ay tumutukoy sa tamang kaalaman at pagkilala tungkol sa Kanya, sa Kanyang Propeta at sa relihiyong Islam. Ang “Mabubuting gawain” ay tumutukoy sa pagsasakatuparan, at “nagpapayuhan sa bawa't isa na tanggapin ang katotohanan” ay tumutukoy sa pagpapalaganap ng kaalaman. At “nagpapayuhan (na balikatin) ng may pagtitiis ay pagpapakasakit na bunga ng pagpapalaganap at pagpapahayag ng katotohanan.”

⁵Qur'an 103

Tanong: Ano ang sinabi ni Imam Ash-Shafi'ee tungkol sa kabanatang (Surah) ito?⁶

Sagot: Siya ay nagsabi: “Kung ang kabanatang (Surah) ito lamang ang ipinahayag ng Allahﷻ sa Kanyang mga alipin (tao), ito ay sapat na para sa kanila.”⁷

Tanong: Ang pagpapatupad o pagsasagawa ba ay dapat na mauna kaysa sa Kaalaman?⁸

Sagot: Ang Kaalaman ay nararapat na mauna kaysa sa pagsasakatuparan at pagsasagawa. Ito ay nakasaad sa Banal na Qur'an :

فَاعْلَمْ أَنَّهُ لَا إِلَهَ إِلَّا اللَّهُ وَأَسْتَغْفِرْ لِدُنْيَاكَ وَالْمُؤْمِنِينَ وَالْمُؤْمِنَاتِ

‘Dapat na malaman na walang dapat sambahin maliban sa Allah, at humingi ng kapatawaran para sa iyong mga kasalanan, at para sa mga mananampalatayang kalalakihan at kababaihan.’⁹

Si Imam Bukhari ay nagbigay puna sa **Ayat** (talata) na nabanggit sa itaas at nagsabi : ‘**Sinimulan ng Allahﷻ ang talata (Ayat) sa pamamagitan ng kautusang pagkuha ng kaalaman at pagkaraan ay sinundan ito ng kautusang pagsasakatuparan nito.**’¹⁰

Tanong: Ano ang tatlong (3) paksa na dapat malaman (o matutuhan) at dapat isaalang-alang (at tuparin)?

Sagot: Una, nilikha tayo ng Allahﷻ, binigyan tayo ng mga pamamaraan upang mabuhay, at hindi tayo pinabayaan at iniwan sa gitna ng kamangmangan. Ang Allahﷻ ay nagpadala ng Sugo. Sinuman ang tumalima at sumunod sa Sugo ay tatanggapin sa Paraiso (*Jannah*) at sinuman ang hindi sumunod sa kanya ay papasok sa Impiyerno (*Jahannam*). **Ikalawa**, hindi pinahihintulutan ng Allahﷻ ang sinumang sumamba sa iba; maging ito ay Anghel na malapit sa Kanya (Allah) o dili kaya sa ipinadalang Propeta. Samakatuwid, **tanging ang Allah lamang ang dapat sambahin at wala nang iba pa. Ikatlo**, sinuman ang sumunod (at tumalima) sa Sugoﷻ at maniwala (at sumampalataya) sa Kaisahan ng Allahﷻ ay hindi pinahihintulutang makipagkaibigan sa mga nagtatakwil (at walang pananampalataya) sa Allahﷻ at sa Kanyang Sugoﷻ maging ito man ay pinakamalapit na kamag-anak.

⁶ Ayon kay Ibn Katheer

⁷ Si Ibn Katheer ay nagbigay ng magkatulad na puna ni Ash Shafi sa kanyang pagbigay paliwanag tungkol sa Surah na ito. “Kung ang mga tao ay isaalang-alang ang kahulugan ng *Surah* na ito, sapat na ito para sa kanila.” Si Ibn Katheer ay nagbigay ng paliwanag tungkol sa sinabi ni Ash Shafi'ee: “Sapagka't ito ay naglalaman ng buod ng katangian ng paksang tinatalakay nito.” (MM)

⁸ Ito ay nangangahulugan na ang isang Muslim ay nararapat munang magsikhay ng tamang kaalaman bago magbigay ng pananalita o di kaya bago magsagawa ng anumang pangrelihiyosong gawain o rituwal. Halimbawa, ang isang tao ay nararapat munang matutuhan ang patakaran at pamamaraan ng pagdarasal bago magsimulang magsagawa nito. Samakatuwid, ang kaalaman ay nararapat na mauna kaysa sa pagsasakatuparan o pagsasagawa nito.(MM)

⁹ Qur'an 47:19

¹⁰ Halimbawa, ang isang tao ay hindi maaaring magdasal hanggang hindi niya natutuhan ang pamamaraan ng pagsasagawa ng pagdarasal. Maraming mga bansang Muslim na ang Batas ng Allahﷻ ay hindi ipinapatupad. Ang mga ilang pangkat ng Muslim ay naniniwala na sa pamamagitan ng kudeta, at kung ang pinuno ng pamahalaan ay napatay, maaaring ipatupad ang Batas ng Allahﷻ sa madaling panahon. Upang makapagtatag ng tunay na Islamikong pamahalaan, ang mga nasasakupang mamamayan ay dapat munang nakahandang tanggapin ang Islamikong pamahalaan, maging ang panloob at panlabas na aspeto nito. Ang pinakamagandang halimbawa ay si Propeta Muhammadﷺ Siya ay hindi nagtatag ng Islamikong pamahalaan hanggang hindi siya lumisan patungong Madinah. Tiniyak muna niya na ang mga tao ay may tamang *Aqeedah* at tinanggap ang tamang kaalaman at nang nasa Madinah na siya, saka lamang nakapagpatayo ng Islamikong pamahalaan. Ito ay isang katotohanan na ang mga bersikulo (talatang) naipahayag sa Makkah ay humahalaw sa mga prinsipyo ng *Tawheed* samantalang sa Madinah ang mga *Ayat* (talata) ay humahalaw tungkol sa mga gawain ng pagsamba (*Ibadah*) at pagsasakatuparan. (MM)

Tanong: Ano ang patunay tungkol sa **unang** paksang binanggit sa itaas?

Sagot: Ang Allah ﷻ ay nagsabi mula sa Banal na Qur'an:

إِنَّا أَرْسَلْنَا إِلَيْكُمْ رَسُولًا شَهِدًا عَلَيْكُمْ كَمَا أَرْسَلْنَا إِلَىٰ فِرْعَوْنَ رَسُولًا ﴿١١﴾ فَعَصَىٰ فِرْعَوْنُ الرَّسُولَ فَأَخَذْنَاهُ أَخْذًا وَبِيلاً ﴿١٢﴾

"Katiyakan, Aming ipinadala sa inyo ang isang Sugo (Muhammad) na saksi sa inyo katulad ng pagpapadala Namin ng Sugo kay Fir'awn (Paraon). Nguni't sinuway ni Fir'awn ang Sugo¹¹, kaya, Amin siyang pinatawan ng kasakit-sakit na parusa¹²."

Tanong: Ano ang patunay sa Banal na Qur'an tungkol sa **ikalawang** paksang binanggit sa itaas?

Sagot: Ang Salita ng Allah ﷻ :

وَأَنَّ الْمَسَاجِدَ لِلَّهِ فَلَا تَدْعُوا مَعَ اللَّهِ أَحَدًا ﴿١٣﴾

"At ang mga *Masjid*¹³ ay para sa Allah lamang, kaya, huwag manalangin (o mag-ukol ng anumang uri ng pagsamba) sa kaninumang iniaakibat sa Allah (bilang Kanyang katambal)¹⁴."

Tanong: Ano ang patunay mula sa Banal na Qur'an tungkol sa **ikatlong** paksang binanggit sa itaas?

Sagot: Ang Salita ng Allah ﷻ:

لَا تَجِدُ قَوْمًا يُؤْمِنُونَ بِاللَّهِ وَالْيَوْمِ الْآخِرِ يُوَادُّونَ مَنْ حَادَّ اللَّهَ وَرَسُولَهُ وَلَوْ كَانُوا آبَاءَهُمْ أَوْ أَبْنَاءَهُمْ أَوْ إِخْوَانَهُمْ أَوْ عَشِيرَتَهُمْ أُولَٰئِكَ كَتَبَ فِي قُلُوبِهِمُ الْإِيمَانَ وَأَيَّدَهُم بِرُوحٍ مِّنْهُ ﴿١٤﴾

"Wala kang matatagpuang mga taong nananampalataya sa Allah at naniniwala sa Araw ng Paghuhukom na nagmamahal sa mga taong nagtatakwil sa Allah at sa Kanyang Sugo, maging ito man ay kanilang mga ama o kanilang mga anak o mga kapatid o kanilang angkan. Sa kanilang puso, ang Allah ay nagtanim ng *Iman* (pananampalataya at nagbigay ng lakas sa kanila) mula sa Kanya...¹⁵"

Tanong: Ano ang **Haniffiyah**¹⁶ na relihiyon ni Propeta Abraham ؑ ?

¹¹ Si Propeta Moises ang Sugo na ipinadala kay Fir'awn (Paraon). (MM)

¹² Qur'an 73 :15-16

¹³ Masjid ay isang salitang Arabik para sa mga "Pook ng pagsamba at dalanginan" na sa kahulugan ay kinabibilangan ng mga moske, sinagoga, templo o tabernakulo na ginagamit ng mga taong may pinanghahawakang Banal na kasulatan. Ang Allah ﷻ ang may Ganap na Kaalaman. (MM)

¹⁴ Qur'an 72:18

¹⁵ Qur'an 58 :22

¹⁶ Haniffiyah, paglisan sa maling relihiyon o pananampalataya tungo sa tunay na pananampalataya, (ang Islam) at ang patuloy at katatagan ng pagsunod dito. (MM)

Sagot: Ang ihandog nang buong katapatan ang lahat ng uri ng pagsamba sa Allah ﷻ lamang. Ito ang kautusan at tagubilin ng Allah sa lahat ng tao, at dahil sa kautusang ito, ang tao at Jinn ay Kanyang nilikha.

Tanong: Ano ang patunay mula sa Banal na Qur'an tungkol sa nabanggit na paksa?

Sagot: Ang Salita ng Allah ﷻ :

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ ﴿٥١﴾

"At hindi Ko nilikha ang *Jinn*¹⁷ at Tao, maliban na sila ay sumamba sa Akin lamang¹⁸."

Tanong: Ano ang ibig sabihin ng "sumamba sa Akin?"

Sagot: Ang maniwala sa ganap na Kaisahan ng Allah ﷻ, ang maniwala na ang Allah ﷻ ang Siyang Tanging Diyos na nagbigay Kautusan sa kanila at Siyang Tanging Diyos na nagtakda ng mga ipinagbabawal sa kanila".

Tanong: Ano ang pinakadakilang bagay na ipinag-uutos ng Allah ﷻ?

Sagot: Ang **Tawheed** o Kaisahan ng Allah ﷻ.

Tanong: Ano ang **Tawheed** o Kaisahan ng Allah ﷻ?

Sagot: Ang **Tawheed o Kaisahan ng Allah ﷻ** ay pagpapahayag na ang Allah ﷻ lamang ang Tanging Diyos na nararapat na sambahin nang makatotohanan at tanggapin (kilalanin) ang mga Katangian na Siya mismo sa Kanyang Sarili ang naggawad (at nagtaglay) at yaong binanggit ng Kanyang Sugo ﷻ. Ang **Tawheed** ay paniniwala na ang Allah ﷻ ay malayo sa anumang kakulangan sa katangian at ang mga katangiang taglay Niya ay likas at tanging Kanya lamang at malayo sa **Hudooth**¹⁹ (walang pagkakahalintulad sa Kanyang mga nilikha.

Tanong: Ano ang pinakamalaking bagay na ipinagbawal ng Allah ﷻ?

Sagot: Ang **Shirk** o Politeismo (Idolatriya o pagbibigay katambal sa Kaisahan ng Allah ﷻ).

Ang **Haniffiyah** ay nangangahulugan ng wagas na pagsamba lamang sa Tanging Isang Tagapaglikha. At ito ay natatanging aral ni Propeta Abraham. (Karagdagan ng Tagasalin sa Pilipino.)

¹⁷ **Jinn**- ito ay isang uri ng nilikha ng Allah na mayroong sariling daigdig. Sila ay nilikha ng Allah mula sa Apoy samantalang ang tao ay nilikha mula sa alabok at ang mga Anghel ay nilikha mula sa liwanag. Katulad ng tao, ang mga *Jinn* ay may kalayaan ding gumawa ng mabuti at masama. At mayroon din silang kalayaang mag-ibang anyo. Sila ay mayroon ding pananagutan sa Araw ng Paghuhukom.

¹⁸ **Qur'an** 51:56

¹⁹ **Hudooth**, ayon sa Lane's Lexicon, ay may dalawang uri, ang isa ay nauukol sa panahon na nagpapahiwatig na ang isang bagay ay nagsimula sa kawalan ng buhay, o ito ay nagkaroon ng buhay pagkaraan ng kawalang anupaman, at ang ikalawa ay ang kahalagahang Hudooth, na ang buhay ng isang bagay ay nakasalalay sa isang may buhay upang patuloy na mabuhay. Ang dalawang uri na ito ay hindi maaring iugnay o iakibat sa Dakilang Allah sapagka't ang Kanyang taglay na Katangian ay Ganap at hindi nakasalalay o umaasa sa sinuman o anupaman. (MM)

Tanong: Ano ang **Shirk** (Politeismo)?

Sagot: Ito ay ang pagsamba sa mga diyus-diyusan na iniuugnay o itinatambal sa Tunay na Diyos (Allah ﷻ) at ang pagbibigay karibal sa Allah gayong Siya lamang ang Tanging lumikha sa lahat ng bagay.

Tanong: Ano ang patunay tungkol sa nabanggit na paksa sa itaas?

Sagot: Ang Salita ng Allah ﷻ mula sa Banal na Qur'an:

﴿وَأَعْبُدُوا اللَّهَ وَلَا تُشْرِكُوا بِهِ شَيْئًا﴾

"At sambahin ang Allah at huwag magbigay (ng anumang) katambal sa Kanya..."²⁰

﴿فَلَا تَجْعَلُوا لِلَّهِ أَنْدَادًا﴾

"...Kaya, huwag magtakda ng mga katambal sa Allah"²¹.

Tanong: Ano ang tatlong pangunahing prinsipyo na dapat ingatan ng tao?

Sagot: **Una**, dapat malaman (at makilala) ng tao ang kanyang **Rabb**²² (Panginoon), **Ikalawa**, ang kanyang relihiyon, at **Ikatlo**, si Propeta Muhammad ﷺ.

Tanong: Sino ang iyong **Rabb** (Panginoon)?

Sagot: Ang aking **Rabb** (Panginoon) ay ang Allah ﷻ, na Siyang nangalaga at nagbigay buhay sa akin at sa lahat ng tao at Jinn sa pamamagitan ng Kanyang mga biyaya. Siya ang aking sinasambang Diyos, at wala ng iba pa.

Tanong: Ano ang patunay nito?

Sagot: Ang Salita ng Allah ﷻ mula sa Banal na Qur'an :

﴿الْحَمْدُ لِلَّهِ رَبِّ الْعَالَمِينَ﴾

²⁰ Qur'an 4:36

²¹ Qur'an 2:22

²² **Rabb:** Ang katagang *Rabb* ay kadalasang isinasalin ng iba bilang katumbas ng salitang Panginoon (Lord). Subali't, bukod sa katotohanang ang huli ay isang katagang ginamit sa Bibliya, ang katagang ito ay ginagamit din kapag tinutukoy si Propeta Hesus na itinuturing ng karamihan sa Kristiyano bilang kanilang Panginoon. Ang salitang Panginoon (Lord) ay isang kataga na ang karaniwang kahulugan nito ay nakahangga lamang sa isang "guro, pinuno, may-ari o tagapamahala", na sadyang kapos at kulang sa diwa o kahulugan kung ihahambing ito sa katagang *Rabb* sapagka't ang *Rabb* (na mula sa wikang arabik) ay mayroong malawak na kahulugan at kahalagahan. Ang ilang mahahalagang kahulugan ng *Rabb* ay ang Tagapaglikha, ang Tagapaghubog (Tagapag-anyo), ang Tagapanustos, ang Tanging Isa na inaasahan ng lahat ng mga nilikha upang patuloy na mabuhay, at Siya ang Tanging Isa na nagbibigay ng Buhay at nagdudulot ng Kamatayan. Sa aklat na ito, gagamitin natin ang katagang *Rabb* na may panaklong na (Panginoon) upang maging madali sa mga mambabasa.

"Ang lahat ng papuri ay para lamang sa Allah, ang *Rabb* (Panginoon) ng lahat ng nilikha²³."

Lahat ng bagay maliban sa Allah ﷻ ay itinuturing na nilikha. At ako, bilang tao, ay isa sa Kanyang mga nilikha.

Tanong: Paano mo nakilala ang iyong **Rabb** (Panginoon)?

Sagot: Nakilala ko Siya sa pamamagitan ng Kanyang mga nilikha at mga palatandaan: ang gabi, ang araw, ang buwan, ang **pitong kalangitan at pitong kalupaan**²⁴ at ng lahat ng nasa pagitan ng mga ito.

Tanong: Ano ang patunay tungkol sa nabanggit na paksa sa itaas?

Sagot: Ang Salita ng Allah ﷻ mula sa Banal na Qur'an:

وَمِنْ آيَاتِهِ اللَّيْلُ وَالنَّهَارُ وَالشَّمْسُ وَالْقَمَرُ لَا تَسْجُدُوا لِلشَّمْسِ وَلَا لِلْقَمَرِ وَاسْجُدُوا لِلَّهِ الَّذِي خَلَقَهُنَّ إِن كُنتُمْ إِيَّاهُ تَعْبُدُونَ ﴿١٧﴾

"At kabilang sa Kanyang mga palatandaan ay ang gabi at ang araw, ang araw at buwan. At huwag magpatirapa sa araw o sa buwan sa halip magpatirapa sa Allah lamang na Siyang lumikha sa kanila, kung tunay ngang Siya lamang ang inyong sinasamba."²⁵

At sinabi Niya ﷻ:

إِنَّ رَبَّكُمُ اللَّهُ الَّذِي خَلَقَ السَّمَوَاتِ وَالْأَرْضَ فِي سِتَّةِ أَيَّامٍ ثُمَّ اسْتَوَىٰ عَلَى الْعَرْشِ يُغْشَى اللَّيْلَ النَّهَارَ يَطْلُبُهُ حَثِيثًا وَالشَّمْسَ وَالْقَمَرَ وَالنُّجُومَ مُسَخَّرَاتٍ بِأَمْرِهِ أَلَا لَهُ الْخَلْقُ وَالْأَمْرُ تَبَارَكَ اللَّهُ رَبُّ الْعَالَمِينَ ﴿٥١﴾

"Katotohanan, ang inyong Rabb (Panginoon) ay ang Allah na Siyang lumikha sa mga kalangitan at kalupaan sa anim na araw, pagkaraan, Siya ay pumaimbabaw²⁶ sa Kanyang Trono (sa paraang angkop sa Kanyang Kamahalan at Kapangyarihan). Pinapangyari Niyang ang gabi ay kumubli sa Araw sa mabilis nitong pagkakasunuran. At ang araw at ang buwan at ang mga bituin, pinapangyari Niya itong sumunod sa Kanyang Kautusan. Katotohanan, (ang gawang) paglikha ay nasa Kanya at ang pagpasiya ng lahat ng pangyayari. Luwalhati sa Allah, ang Rabb (Panginoon) ng lahat ng mga nilikha."²⁷

²³Qur'an 1:1

²⁴ Tungkol sa bilang ng mga daigdig, maaaring malito nguni't ito ay hinango sa **Ayat** (talata) ng Qur'an: "Ang Allah ang Siyang Lumikha sa pitong Kalangitan at Kalupaan ng katulad nito" (MM)

²⁵ Qur'an 41:37

²⁶ Pumaimbabaw- ito ay siyang ginamit na salitang pahapyaw mula sa Arabik na salitang *Istawa*. Ito ay isa sa mga katangian ng Allah. Ang salitang "*Istawa*" ay madaling maunawaan nguni't kung paano Siya pumaimbabaw ay walang sinuman ang may kakayahang ilarawan ito sapagka't ang pagtatangkang bigyan nang ganap na paglalarawan tungkol dito ay isinasaalang-alang bilang *Bi'daah* ayon kay Imam Shaifee.

²⁷Qur'an 7:54

Tanong: Sino ang **Rabb** (Panginoon)?

Sagot: Ang **Rabb** (Panginoon) ﷻ ay Siyang Kataas-taasang Tagapamahala, ang Nagmamay-ari, ang Tanging Isa na Siyang lumikha sa lahat ng bagay mula sa walang buhay. Siya ang Tanging Isa na nararapat pag-ukulan ng tapat na pagsamba.

Tanong: Ano ang patunay tungkol sa nabanggit na paksa sa itaas?

Sagot: Ang Salita ng Allah ﷻ mula sa Banal na Qur'an :

يٰۤاَيُّهَا النَّاسُ اَعْبُدُوْا رَبَّكُمُ الَّذِي خَلَقَكُمْ وَالَّذِيْنَ مِنْ قَبْلِكُمْ لَعَلَّكُمْ تَتَّقُوْنَ ﴿٢١﴾ الَّذِيْ جَعَلَ لَكُمُ الْاَرْضَ فِرَاشًا
وَالسَّمَآءَ بِنَآءٍ وَّاَنْزَلَ مِنَ السَّمَآءِ مَآءً فَاَخْرَجَ بِهٖ مِنْ الثَّمَرَاتِ رِزْقًا لَّكُمْ ۗ فَلَا تَجْعَلُوْا لِلّٰهِ اٰنْدَادًا وَاَنْتُمْ تَعْلَمُوْنَ



“O Sangkatauhan, sambahin ang inyong Rabb (Panginoon [Allah]) na Siyang lumikha sa inyo at sa mga (lahing) nauna sa inyo, upang kayo ay magkaroon ng takot sa Kanya. Siya ang lumikha ng kalupaan bilang inyong pahingahan at ang kalangitan bilang inyong silungan at nagpaagos para sa inyo ng ulan mula sa kalangitan at mula rito ay sumibol ang mga bungang-kahoy para sa inyong ikabubuhay. Kaya, huwag magtakda ng kapantay sa Allah gayong inyong nalalaman (ang katotohanan) na Siya lamang ang dapat pag-ukulan ng (tapat na) pagsamba.”²⁸

Ang Tanging Lumikha ng mga bagay na ito ang Siyang Tanging nararapat pag-ukulan ng tapat na pagsamba.

Tanong: Ano ang **Ibadah** (pagsamba)?

Sagot: Ito ang ganap na paglilingkod at (pagpapaalipin) pagsunod na may lakip na pagpapakumbaba at diwa ng pagsuko, wagas na pagmamahal at taimtim na pagdakila sa Allah ﷻ na Siyang pinagkakautangan ng lahat. Sa madaling salita, ang pagsamba ay isang kahulugan na binubuo ng mga gawain at pananalita na kinalulugdan at pinahihintulutan ng Allah ﷻ, maging ito ay nakukubli o nakikita.²⁹

Tanong: Ilang pamamaraan (uri) ng **Ibadah** (pagsamba) ang ipinag-uutos ng Allah ﷻ?

Sagot: Marami. Ilan sa mga ito ay ang limang haligi ng Islam, ang haligi ng **Iman** (pananampalataya), pagsunod, pagtalima at pagsuko, panalangin (pagsusumamo), mapitagang takot sa Allah ﷻ, ang palagiang pag-asam o pag-asa ng Kanyang Awa, ang paghingi ng tulong, pangangalaga, panunumpa at iba pang gawang

²⁸ Qur'an 2:21-22

²⁹ “nakikita” ang kahulugan nito ay pisikal na paggawa at “nakukubli” ang kahulugan nito ay ang prinsipiyo at paniniwala ng Islam.(MM)

pagsamba na ipinag-utos at ipinag-aanyaya. Ang lahat ng ito ay isinasagawa at iniaalay para sa Kanya lamang.

Tanong: Ano ang patunay tungkol sa nabanggit na paksa sa itaas?

Sagot: Ang Salita ng Allah ﷻ mula sa Banal na Qur'an:

وَأَنَّ الْمَسْجِدَ لِلَّهِ فَلَا تَدْعُوا مَعَ اللَّهِ أَحَدًا ﴿١٨﴾

"At ang mga Masjid ay para sa Allah lamang, kaya huwag manalangin (o mag-ukol ng anumang uri ng pagsamba) sa kaninumang iniaakibat sa Allah (bilang Kanyang katambal)³⁰."

At sinabi Niya ﷻ:

وَقَضَىٰ رَبُّكَ أَلَّا تَعْبُدُوا إِلَّا إِيَّاهُ

"At ipinag-utos ng inyong *Rabb* (Panginoon) na huwag sumamba sa iba maliban sa Kanya lamang³¹."

Tanong: Ano ang kapasiyahan tungkol sa sinuman na nag-aalay ng iba't ibang uri ng pagsamba sa iba bukod sa Allah?

Sagot: Sinuman ang nag-aalay ng anumang uri ng pagsamba bukod pa sa Allah, siya ay isang **politiyesta** (nagtatambal sa Allah sa pagsamba) at isang **Kafir** (taong walang pananampalataya) kahit pa siya ay nagdarasal, nagsasagawa ng pag-aayuno, nagsasagawa ng **Hajj** o inaangkin niya sa kanyang sarili na siya ay Muslim.³²

Tanong: Ano ang patunay tungkol sa nabanggit na paksa sa itaas?

Sagot: Ang Salita ng Allah ﷻ mula sa Banal na Qur'an:

وَمَنْ يَدْعُ مَعَ اللَّهِ إِلَهًا آخَرَ لَا بُرْهَانَ لَهُ بِهِ فَإِنَّمَا حِسَابُهُ عِنْدَ رَبِّهِ إِنَّهُ لَا يُفْلِحُ الْكَافِرُونَ ﴿٢٠﴾

"At sinuman ang sumamba sa iba bukod pa sa Allah, na wala namang patunay na ito nga ay karapat-dapat sambahin, katotohanan ang kanyang gantimpala ay nasa kanyang *Rabb* (Panginoon). Katiyakan, hindi magtatagumpay ang mga walang pananampalataya sa Allah³³."

Tanong: Ano ang patunay na ang *Du'a* (panalangin) ay isang uri ng pagsamba?

Sagot: Ang Salita ng Allah ﷻ mula sa Banal na Qur'an:

³⁰ Qur'an 72:18

³¹ Qur'an 17:23

³² Mayroon ding mga Muslim na lumihis sa aral ng Islam subali't nagsasabi na sila ay Muslim. Sila ay naniniwala na ang kanilang *Imam* o lider ay may kapangyarihan na makapagbibigay ng impluwensiya sa takbo ng buhay (o panahon) dito sa mundo at sa kabilang buhay.(MM)

³³ Qur'an 23:117

وَقَالَ رَبُّكُمْ ادْعُونِي أَسْتَجِبْ لَكُمْ إِنَّ الَّذِينَ يَسْتَكْبِرُونَ عَنْ عِبَادَتِي

سَيَدْخُلُونَ جَهَنَّمَ دَاخِرِينَ ﴿٦١﴾

"At ang inyong Rabb (Panginoon) ay nagsabi 'Dumalangin kayo sa Akin, at Aking tatanggapin sa inyo. Katotohanan, yaong nagmamataas na tumangging sumamba sa Akin ay papasok sa Impiyerno, na kinamumuhian'."³⁴

At ang salita ni Propeta Muhammad ﷺ :

(الدعاء مخ العباداة) وفي رواية: (الدعاء هو العباداة)

"Ang du'a (panalangin) ay diwa ng pagsamba." At sa ibang salaysay: "Ang du'a (panalangin) ay pagsamba."³⁵

Tanong: Ano ang patunay na ang **Taqwa** (takot) sa Allah ﷻ ay isang uri ng pagsamba?

Sagot: Ang Salita ng Allah ﷻ mula sa Banal na Qur'an:

فَلَا تَخَافُوهُمْ وَخَافُونِ إِنْ كُنْتُمْ مُؤْمِنِينَ ﴿١٧٤﴾

"... Huwag ninyo silang katakutan, bagkus Ako ang inyong katakutan kung kayo nga'y tunay na nananampalataya"³⁶.

Tanong: Ano ang patunay na ang pag-asam (at umaasa) ng Awa ng Allah ﷻ ay isang uri ng pagsamba?

Sagot: Ang Salita ng Allah ﷻ mula sa Banal na Qur'an:

فَمَنْ كَانَ يَرْجُوا لِقَاءَ رَبِّهِ فَلْيَعْمَلْ عَمَلًا صَالِحًا وَلَا يُشْرِكْ بِعِبَادَةِ رَبِّهِ أَحَدًا ﴿١٧٤﴾

"...Kaya sinuman ang umaasam na makaharap ang kanyang Rabb (Panginoon) ay nararapat gumawa ng kabutihan, at huwag siyang magbigay ng anumang pagtatambal sa pagsamba sa kanyang Rabb (Panginoon)³⁷."

Tanong: Ano ang patunay na ang pagtitiwala sa Allah ﷻ ay isang uri ng pagsamba?

Sagot: Ang Salita ng Allah ﷻ mula sa Banal na Qur'an:

³⁴ Qur'an 40:60

³⁵ At-Tirmidhi, Ibn Majah & Ahmad

³⁶ Qur'an 3:175

³⁷ Qur'an 18:110

وَعَلَى اللَّهِ فَتَوَكَّلُوا إِن كُنْتُمْ مُؤْمِنِينَ ﴿٣٨﴾

"... At sa Allah kayo (ay) magtiwala kung kayo nga'y tunay na nananampalataya³⁸."

وَمَنْ يَتَوَكَّلْ عَلَى اللَّهِ فَهُوَ حَسْبُهُ ﴿٣٩﴾

"... At sinuman ang magtiwala sa Allah, Siya (Allah) ay sapat na para sa kanya³⁹."

Tanong: Ano ang patunay na ang paghahangad sa Awa ng Allah ﷻ at ang takot sa Kanyang parusa at ang pagpapakumbaba sa Kanya ay mga uri ng pagsamba?

Sagot: Ang Salita ng Allah ﷻ mula sa Banal na Qur'an :

إِنَّهُمْ كَانُوا يُسْرِعُونَ فِي الْخَيْرَاتِ وَيَدْعُونَنَا رَغَبًا وَرَهَبًا وَكَانُوا لَنَا خَشِيعِينَ ﴿٤٠﴾

"...Sila ay palagiang nagpapaligsahan sa paggawa ng kabutihan. At dumadalangin sa Amin nang may paghahangad (ng Aming awa) at pagkatakot sa Aming parusa at sila'y nagpapakumbaba ng kanilang mga sarili sa Amin⁴⁰."

Tanong: Ano ang patunay na ang paggalang na may kalakip na takot ay isang uri ng pagsamba?

Sagot: Ang Salita ng Allah ﷻ mula sa Banal na Qur'an:

فَلَا تَخْشَوْهُمْ وَاخْشَوْنِي

"... Kaya huwag ninyo silang katakutan bagkus Ako ang inyong tanging katakutan⁴¹."

Tanong: Ano ang patunay na ang Tawbah (pagsisisi o pagbabalik-loob sa Allah) ay isang uri ng pagsamba?

Sagot: Ang Salita ng Allah ﷻ mula sa Banal na Qur'an:

وَأَنِيبُوا إِلَىٰ رَبِّكُمْ وَأَسْلِمُوا لَهُ

"At dapat na kayo ay magsisi sa inyong Rabb (Panginoon) at sumuko (magbalik-loob) sa Kanya...⁴²"

Tanong: Ano ang patunay na ang paghingi ng tulong sa Allah ﷻ ay isang uri ng pagsamba?

³⁸ Qur'an 5:23

³⁹ Qur'an 65:3

⁴⁰ Qur'an 21:90

⁴¹ Qur'an 2:150

⁴² Qur'an 39:54

Sagot: Ang Salita ng Allah ﷻ mula sa Banal na Qur'an:

إِيَّاكَ نَعْبُدُ وَإِيَّاكَ نَسْتَعِينُ ﴿٢٠٠﴾

"Tanging sa Iyo lamang kami sumasamba at tanging sa Iyo lamang kami humihingi ng tulong⁴³."

At mula sa Hadith ng Propeta Muhammad ﷺ:

()

"At kung ikaw ay humingi ng tulong, dapat humingi ng tulong sa Allah ﷻ lamang."⁴⁴

Tanong: Ano ang patunay na ang paghingi ng proteksiyon (pangangalaga) sa Allah ﷻ ay isang uri ng pagsamba?

Sagot: Ang Salita ng Allah ﷻ mula sa Banal na Qur'an:

قُلْ أَعُوذُ بِرَبِّ النَّاسِ ﴿١﴾ مَلِكِ النَّاسِ ﴿٢﴾

"Sabihin mo (O, Muhammad): 'Ako'y humihingi ng proteksiyon (pangangalaga) sa Rabb (Panginoon) ng Sangkatauhan, ang Hari ng Sangkatauhan."⁴⁵

Tanong: Ano ang patunay na ang paghingi ng saklolo (tulong at kalinga) sa Allah ﷻ ay isang uri ng pagsamba?

Sagot: Ang Salita ng Allah ﷻ mula sa Banal na Qur'an:

إِذْ تَسْتَغِيثُونَ رَبَّكُمْ فَاسْتَجَابَ لَكُمْ أَنِّي مُمِدُّكُمْ بِالْفِ مِّنَ الْمَلَائِكَةِ مُرَدِّينَ ﴿٢٠١﴾

"(Tandaan) Nang kayo ay humingi ng saklolo (tulong at kalinga) sa inyong Rabb (Panginoon), tinanggap Niya ang inyong kahilingan: 'Katotohanan, tutulungan Ko kayo ng isang libong mga Anghel na magkakanay⁴⁶."

Tanong: Ano ang patunay na ang pag-aalay (pagkatay ng hayop) ay isang uri ng pagsamba?

Sagot:

⁴³ Qur'an 1:4

⁴⁴ Ang Hadith na ito ay bahagi ng mahabang pagsasalaysay ni Propeta Muhammad ﷺ nang binigyang aral si Abdullah ibn Abbas ؓ ng ganito: "O batang lalaki! alalahanin mo ang Allah, at ang Allah ay aalalahanin ka. Dumalangin ka sa Allah, at matatagpuan mo Siyang malapit sa iyo. Kung ikaw ay hihingi, humingi sa Allah at kung ikaw ay hihingi ng tulong, hanapin ang tulong ng Allah," At-Tirmidhi (MM)

⁴⁵ Qur'an 114:1-2

⁴⁶ Qur'an 8:9

قُلْ إِنَّ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ الْعَالَمِينَ ﴿١٢٣﴾ لَا شَرِيكَ لَهُ ۗ وَبِذَلِكَ أُمِرْتُ وَأَنَا أَوَّلُ الْمُسْلِمِينَ



“Ipahayag mo: ‘Katotohanan, ang aking Salaah (pagdarasal), ang aking pag-aalay (pagkatay ng hayop), ang aking buhay at ang aking kamatayan ay para sa Allah, ang Rabb (Panginoon) ng lahat ng nilalang. Siya ay walang katambal. At iyon ay ipinag-utos sa akin at ako ang unang naging Muslim⁴⁷.”

At mula sa Hadith, ang salaysay ni Propeta Muhammad ﷺ ay:

(لعن الله من ذبح لغير الله)

“Isinusumpa ng Allah ang sinuman na nag-alay (nagkatay ng hayop) para sa iba bukod sa Allah.”

Tanong: Ano ang patunay na ang panata ay isang uri ng pagsamba?

Sagot: Ang Salita ng Allah ﷻ mula sa Banal na Qur’an:

يُوفُونَ بِالنَّذْرِ وَخَافُونَ يَوْمًا كَانَ شَرُّهُ مُسْتَطِيرًا ﴿٧﴾

“Kanilang tinutupad ang kanilang mga panata (pangako) at pinangangambahan ang Araw na ang kasamaan nito ay maging laganap.”⁴⁸

Tanong: Ano ang pangalawang pangunahing batayan?

Sagot: Ang magkaroon ng tamang kaalaman tungkol sa relihiyong Islam at ang mga patunay nito mula sa Banal na Qur’an at Hadith ng Sugo ng Allah.

Tanong: Ano ang Islam?

Sagot: Ang Islam ay ang ganap na pagsuko sa Allah ﷻ sa Kanyang pagiging Tanging Isang Diyos at ang pagtupad sa Kanyang mga kautusan nang may tapat na pagsunod at ang lubusang pagtalikod sa **Politeismo** (pagbibigay katambal sa Allah ﷻ) at sa mga gumagawa o tagasunod nito.

Tanong: Ilan ang antas ng Islam?

Sagot: Ang Islam ay may tatlong antas: **Islam, Iman** at **Ihsan**.

Tanong: Ilan ang haligi ng Islam?

Sagot: May limang (5) haligi ang Islam. Ito ay ang mga sumusunod:

⁴⁷ Qur'an 6:162-163

⁴⁸ Qur'an 76:7 Ang Araw na ito na tinutukoy ay ang Araw ng Pagkabuhay-Muli. (MM)

1. Ang **Shahadah** (Pagpapahayag ng “**La ilaha ilallah Muhammadar Rasulullaah**” “Walang [tunay na] Diyos na dapat sambahin maliban sa Allah at si Muhammad ay Sugo ng Allah.”)
2. Pagsasagawa ng **Salaah**. (Itinakdang Pagdarasal ng limang ulit sa maghapon)
3. Pamamahagi ng **Zakah**. (Itinakdang Kawanggawa)
4. Pagsasagawa ng **Sawm**. (Pag-aayuno sa buwan ng Ramadhan)
5. Pagsasagawa ng **Hajj**.

Tanong: Ano ang patunay sa **Shahadah** (Pagpapahayag ng “Walang [tunay na] Diyos na dapat sambahin maliban sa Allah)?

Sagot: Ang Salita ng Allah ﷻ mula sa Banal na Qur'an:

شَهِدَ اللَّهُ أَنَّهُ لَا إِلَهَ إِلَّا هُوَ وَالْمَلَائِكَةُ وَأُولُو الْعِلْمِ قَائِمًا بِالْقِسْطِ

لَا إِلَهَ إِلَّا هُوَ الْعَزِيزُ الْحَكِيمُ ﴿٢٠٠﴾

"Ang Allah ay nagpatunay na walang diyos na dapat sambahin maliban sa Kanya, at maging ang mga Anghel at yaong mga may kaalaman. Pinananatili Niya ang Kanyang mga nilikha nang may katarungan. Walang [tunay na] diyos maliban sa Kanya, ang Ganap na Makapangyarihan, ang Tigib ng Karunungan⁴⁹."

Tanong: Ano ang kahulugan ng “**La ilaha illallah**” (Walang [tunay na] Diyos na dapat sambahin maliban sa Allah ﷻ)?

Sagot: Ang kahulugan ay:Walang [tunay na] Diyos na dapat na sambahin maliban sa Allah ﷻ lamang.

Tanong: Ano ang ipinahihiwatig ng “**La ilaha**” (Walang [tunay na] Diyos)?⁵⁰

Sagot: Ang ipinahihiwatig ng “**La ilaha**” ay ang lubos na pagtangi o pagtakwil sa paniniwala sa lahat ng diyus-diyusan na sinasamba bukod sa Allah.

Tanong: Ano ang ipinahihiwatig ng “**Illallah**” (maliban sa Allah ﷻ)?

Sagot: Ito ay nagpapahiwatig ng pagpapatunay na ang pagsamba ay nararapat na ialay sa Allah ﷻ lamang, na wala Siyang katambal o kaugnay sa pagsamba. Gayundin, Siya ay walang kasama sa Kanyang Kapangyarihan.

⁴⁹ Qur'an 3:18

⁵⁰ Ang katanungang ito at ang mga sumunod na katanungan ay nangangahulugan ng ganap na pagsaksi ng pananampalataya na maaaring hatiin sa dalawang bahagi: ang unang bahagi ay nagsasaad ng pagtakwil o pagtalikod sa iba't ibang diyus-diyusan na sinasamba kapalit ng Tunay na Diyos, ang Allah ﷻ. At ang ikalawang bahagi naman ay nagsasaad ng pagpapatunay na ang lahat ng uri o pamamaraan ng pagsamba ay nararapat na iukol sa Tanging Tagapaglikha, ang Allah ﷻ.

Tanong: Ano ang ibig sabihin ng paksang binanggit sa itaas upang ganap na maipaliwanag ang kahulugan nito?

Sagot: Ang Salita ng Allah ﷻ mula sa Banal na Qur'an:

وَإِذْ قَالَ إِبْرَاهِيمُ لِأَبِيهِ وَقَوْمِهِ إِنَّنِي بَرَاءٌ مِّمَّا تَعْبُدُونَ ﴿٦٦﴾ إِلَّا الَّذِي فَطَرَنِي فَإِنَّهُ سَيَهْدِينِ ﴿٦٧﴾ وَجَعَلَهَا كَلِمَةً بَاقِيَةً فِي عَقْبِهِ لَعَلَّهُمْ يَرْجِعُونَ ﴿٦٨﴾

"At (tandaan) nang si Abraham ay nagsabi sa kanyang ama at kanyang kalipi: ‘Ako ay walang kinalaman sa mga bagay na inyong sinasamba. Maliban sa Allah lamang na Siyang lumikha sa akin. Katiyakan, ako ay Kanyang papatnubayan. At ginawa niya itong Salita⁵¹ na mananatili magpakailanman, sakaling sila ay magsipagbalik⁵²."

At sinabi Niya ﷻ:

قُلْ يَتَّاهِلَ الْكَاثِبُ تَعَالَوْا إِلَى كَلِمَةٍ سَوَاءٍ بَيْنَنَا وَبَيْنَكُمْ أَلَّا نَعْبُدَ إِلَّا اللَّهَ وَلَا نُشْرِكَ بِهِ شَيْئًا وَلَا يَتَّخِذَ بَعْضُنَا بَعْضًا أَرْبَابًا مِّنْ دُونِ اللَّهِ فَإِن تَوَلَّوْا فَقُولُوا اشْهَدُوا بِأَنَّا مُسْلِمُونَ ﴿٦٩﴾

“Ipahayag mo: ‘O, Angkan (mga napagkalooban) ng Kasulatan, halina sa isang salita na sadyang makatarungan sa amin at sa inyo: na wala tayong sasambahin maliban sa Allah, na hindi tayo magbibigay ng anumang katambal sa Kanya at huwag tayong magtakda mula sa ating mga sarili bilang Rabb (Panginoon) maliban sa Allah. At kung sila ay magsitalikod, inyong sabihin, ‘Kayo ay saksi na kami ay mga Muslim (sumusuko sa Kalooban ng Allah)⁵³.”

Tanong: Ano ang patunay sa pagpapahayag ng “Muhammadar Rasulullaah” (Si Muhammad ay Sugo ng Allah)?

Sagot: Ang Salita ng Allah ﷻ mula sa Banal na Qur'an:

لَقَدْ جَاءَكُمْ رَسُولٌ مِّنْ أَنْفُسِكُمْ عَزِيزٌ عَلَيْهِ مَا عَنِتُّمْ حَرِيصٌ عَلَيْكُمْ بِالْمُؤْمِنِينَ رَءُوفٌ رَّحِيمٌ ﴿٧٠﴾

"Katotohanan, dumating sa inyo ang isang Sugo mula sa inyong lahi, nagbibigay kapighatian sa kanya na kayo’y magkaroon ng kahirapan. At (siya ay) marubdob ang hangaring kayo ay mapatnubayan, siya ay mabait at maawain sa mga mananampalataya.⁵⁴"

At sinabi Niya ﷻ:

مُحَمَّدٌ رَسُولُ اللَّهِ وَالَّذِينَ مَعَهُ أَشِدَّاءُ عَلَى الْكُفَّارِ رُحَمَاءُ بَيْنَهُمْ

⁵¹ Sinasabi na ang “Salita” ay tumutukoy sa “Shahada” (La ilaha ilallah) o pagpapahayag ng pananampalataya, ang Islam (Ibn Kathir). (MM)

⁵² Qur'an 43:26-28

⁵³ Qur'an 3:64

⁵⁴ Qur'an 9:128

“Si Muhammad ay Sugo ng Allah, at ang kanyang mga tagasunod ay malalakas laban sa mga Kafir (di-nananampalataya). Nguni't, (sa kabilang dako) sila ay nagmamahalan.”⁵⁵

Tanong: Ano ang kahulugan ng pagpapahayag ng “**Muhammadar Rasulullaah**” (Si Muhammad ﷺ ay Sugo ng Allah).

Sagot: Ito ay nangangahulugan na dapat sundin si Propeta Muhammad ﷺ sa kanyang mga kautusan, paniwalaan ang lahat ng kanyang mga balita at iwasan ang lahat ng kanyang ipinagbabawal, at sambahin ang Allah ﷻ ayon sa kanyang itinakdang pamamaraan ng pagsamba.

Tanong: Ano ang patunay tungkol sa **Salaah, Zakah** at kung ano ang kahulugan ng **Tawheed** (Monoteismo)?

Sagot: Ang Salita ng Allah ﷻ mula sa Banal na Qur'an :

وَمَا أُمِرُوا إِلَّا لِيَعْبُدُوا اللَّهَ مُخْلِصِينَ لَهُ الدِّينَ حُنَفَاءَ وَيُقِيمُوا الصَّلَاةَ وَيُؤْتُوا الزَّكَاةَ وَذَلِكَ دِينُ الْقِيَمَةِ ﴿٢﴾

“At walang ipinag-uutos sa kanila kundi sambahin nang tapat ang Allah lamang bilang mga (Hunafa)⁵⁶ at magsagawa ng Salaah at magbigay ng Zakah, ito ang tunay na relihiyon.”⁵⁷

Tanong: Ano ang patunay sa pag-aayuno?

Sagot: Ang Salita ng Allah ﷻ mula sa Banal na Qur'an:

يَأْتِيهَا الَّذِينَ ءَامَنُوا عَلَيْكُمْ الصِّيَامُ كَمَا كُتِبَ عَلَى الَّذِينَ مِن قَبْلِكُمْ لَعَلَّكُمْ تَتَّقُونَ ﴿١٧٢﴾

“O, kayong nananampalataya, ang pag-aayuno ay iniutos sa inyo katulad ng pagkakaayos sa mga naunang lahi sa inyo upang kayo'y magkaroon ng takot sa Allah⁵⁸.”

Tanong: Ano ang patunay ukol sa **Hajj** bilang haligi ng Islam?

Sagot: Ang Salita ng Allah ﷻ mula sa Banal na Qur'an:

وَلِلَّهِ عَلَى النَّاسِ حِجُّ الْبَيْتِ مَنِ اسْتَطَاعَ إِلَيْهِ سَبِيلًا وَمَن كَفَرَ فَإِنَّ اللَّهَ غَنِيٌّ عَنِ الْعَالَمِينَ ﴿٢٧٤﴾

“... Ang pagsasagawa ng Hajj sa Banal na Tahanan ay iniatas ng Allah sa mga taong may kakayahan. At sinuman ang tumanggi, katiyakan na ang Allah ay walang pangangailangan sa Kanyang mga nilikha⁵⁹.”

⁵⁵ Qur'an 48 :29

⁵⁶ Hunafa, ang mga sumusunod sa pananampalataya ni Propeta Ibrahim (Abraham), ang paniniwala sa kaisahan ng Allah ﷻ. (MM)

⁵⁷ Qur'an 98:5

⁵⁸ Qur'an 2:183

⁵⁹ Qur'an 3:97

Tanong: Ano ang ikalawang antas ng Islam?

Sagot: Ang Iman (Pananampalatayang Islamiko).

Tanong: Ilan ang sangay ng Iman?

Sagot: Ang Iman ay may higit sa pitumpung (70) sangay. Ang pinakamataas ay ang pagpapahayag ng La ilaha illalah at ang pinakamababa ay yaong pag-alis ng nakapipinsalang bagay sa daan. Ang pagkakaroon ng Haya⁶⁰ ay isang sangay ng Iman (pananampalataya).

Tanong: Ilan ang Haligi ng Iman?

Sagot: Ang Iman ay may anim na haligi:

1. Paniniwala sa Allahﷻ, ang Tanging Isang Tunay na Diyos.
2. Paniniwala sa Kanyang mga Anghel.
3. Paniniwala sa Kanyang mga Aklat (Banal na Kasulatan)
4. Paniniwala sa Kanyang mga Sugo at Propeta.
5. Paniniwala sa Araw ng Paghuhukom.
6. Paniniwala sa Qadar (Tadhana, mabuti man o masama).

Tanong: Ano ang patunay tungkol sa nabanggit na mga paksa?

Sagot: Ang Salita ng Allahﷻ mula sa Banal na Qur'an:

﴿ لَيْسَ الْبِرَّ أَنْ تُولُوا وُجُوهَكُمْ قِبَلَ الْمَشْرِقِ وَالْمَغْرِبِ وَلَكِنَّ الْبِرَّ مَنْ ءَامَنَ بِاللَّهِ وَالْيَوْمِ الْآخِرِ وَآلَمَاتِيبِكَةِ
وَالْكِتَابِ وَالنَّبِيِّنَ

“Hindi isang kabutihan ang pagharap sa kanluran at silangan sa pagdarasal. Nguni't, sa katotohanan, ang kabutihan ay ang ginawa ng taong naniwala sa Allah, sa Huling Araw at sa mga Anghel, sa mga Aklat at sa mga Propeta...”⁶¹

Tanong: Ano ang patunay tungkol sa Qadar (Tadhana)?

Sagot: Ang Salita ng Allahﷻ mula sa Banal na Qur'an:

﴿ إِنَّا كُلَّ شَيْءٍ خَلَقْنَاهُ بِقَدَرٍ ﴿١٠﴾

“Katotohanan, Aming nilikha ang lahat ng bagay na may nakatadhana...”⁶²

⁶⁰ Ang Haya ay isang salitang Arabik na ang malapit na kahulugan ay ang pagkakaroon ng katangian ng pagiging hindi masalita (tahimik) kimi, mahiyain, mahinhin, malumanay at pinong pag-uugali, kilos at pananalita. (Ito ay karagdagang paliwanag ng Tagasalin sa wikang Pilipino)

⁶¹ Qur'an 2 :177

Tanong: Ano ang ikatlong antas ng Islam?

Sagot: Ang Ihsan (Paggawa ng mabuti).

Tanong: Ano ang Ihsan?

Sagot: Ang sambahin ang Allah ﷻ na para bang nakikita Siya. Bagaman hindi Siya nakikita, Siya ay nakakikita sa iyo.⁶³

Tanong: Ano ang patunay tungkol sa nabanggit na paksa?

Sagot: Ang Salita ng Allah ﷻ mula sa Banal na Qur'an:

إِنَّ اللَّهَ مَعَ الَّذِينَ اتَّقَوْا وَالَّذِينَ هُمْ مُحْسِنُونَ ﴿١٧٨﴾

“Katotohanan, ang Allah ay (nasa panig) kakampi ng mga may takot sa Kanya at gumagawa ng kabutihan⁶⁴.”

At sinabi Niya ﷻ:

وَتَوَكَّلْ عَلَى الْعَزِيزِ الرَّحِيمِ ﴿٢١٧﴾ الَّذِي يَرِنَاكَ حِينَ تَقُومُ ﴿٢١٨﴾ وَتَقْلُبُكَ فِي السَّجْدِ ۖ إِنَّهُ هُوَ السَّمِيعُ الْعَلِيمُ ﴿٢١٩﴾

“At manalig kayo sa Makapangyarihan (Allah), ang Maawain na nakakikita sa iyo kasama ng mga nagdarasal. Katiyakan, Siya ang Nakaririnig, Ang Lubos na Maalam.”⁶⁵

At sinabi pa rin Niya ﷻ:

وَمَا تَكُونُ فِي شَأْنٍ وَمَا تَتْلُوا مِنْهُ مِنْ قُرْآنٍ وَلَا تَعْمَلُونَ مِنْ عَمَلٍ إِلَّا كُنَّا عَلَيْكُمْ شُهُودًا إِذْ تُفِيضُونَ فِيهِ

“At maging anumang inyong kalagayan, at anumang bahagi ng Qur'an ang iyong binibigkas - anumang inyong ginagawa (O, Sangkatauhan, masama man o mabuti) Kami ay saksi.....”⁶⁶

Tanong: Ano ang patunay mula sa **Sunnah**, tungkol sa tatlong antas ng Islam?

Sagot: Ang dakilang **Hadith** tungkol sa Anghel Jibril ﷺ na isinalaysay ni Omar ibn Khattab ؓ na nagsabi: “Habang kami ay nakaupo sa tabi ng Sugo ng Allah ﷻ, may isang tao na puting-puti ang kasuotan at itim na itim ang buhok ang lumapit sa amin. Walang nakikitang bakas ng kapaguran (sa paglalakbay) at hindi nakikilala

⁶² Qur'an 54:49

⁶³ Bukhari & Muslim

⁶⁴ Qur'an 16:128

⁶⁵ Qur'an 26:217-220

⁶⁶ Qur'an 10:61

ng sinuman sa amin. Siya ay umupo sa harap ng Propeta ﷺ na ang kanyang tuhod ay nakadikit sa tuhod ng Propeta ﷺ, inilagay niya ang kanyang mga kamay sa dalawang hita ni Propeta Muhammad at nagsabi. “O, Muhammad, sabihin mo sa akin ang tungkol sa Islam. Siya (Propeta Muhammad) ay nagsabi: “Ang Islam ay pagsaksi na walang ibang diyos (na dapat sambahin) maliban sa Allah at si Muhammad ﷺ ay Kanyang Sugo, ang pagsasagawa ng Salaah, ang pagbibigay ng Zakah, ang pag-aayuno sa buwan ng Ramadhan at pagsasagawa ng Hajj sa Banal na Tahanan (Baitullah) sa kaninumang may kakayahan. At siya (Jibrilﷺ) ay sumang-ayon (at nagsabi), 'sinabi mo ang katotohanan'. Si Omar ay nagpatuloy sa pagsasalaysay. ‘Kami ay namangha sa kanya; tinanong niya (Jibrilﷺ) ang Propeta at pagkaraan ay sinang-ayunan. Siya (Jibrilﷺ) ay muling nagtanong: ‘Sabihin mo sa akin kung ano ang Iman? Ang Propeta ng Allah ay nagsabi: Ito ay ang paniniwala sa Allah, sa Kanyang mga Anghel, sa Kanyang mga Aklat, sa Kanyang mga Propeta, sa Araw ng Paghuhukom at sa Qadar (Tadhana), maging ito man ay mabuti o masama.’ Siya (Jibrilﷺ) ay nagtanong: ‘Sabihin mo sa akin kung ano ang Ihsan? Siya (Propeta) ay nagsabi. ‘Ang pagsamba sa Allah na para bang nakikita mo Siya. Bagaman hindi mo Siya nakikita, Siya ay nakakikita sa iyo.’ Siya (Jibrilﷺ) ay nagtanong: ‘Sabihin mo sa akin ang tungkol sa Huling Panahon (Katapusan ng Mundo)?’ Ang Propeta ng Allah ay nagsabi: ‘Ang isang tinatanong ay hindi maalam kaysa nagtatanong.’ Siya (Jibrilﷺ) ay nagtanong ‘Sabihin mo sa akin kung ano ang mga palatandaan nito? Siya (Propeta ng Allah) ay nagsabi: Kapag ang babaing alipin ay nagsilang ng kanyang amo⁶⁷ at kapag nakita mo ang mga nakayapak, mga nakahubad na pastol⁶⁸ ng tupa na nakikipagpaligsahan sa pagpapatayo ng matataas na gusali.’ Siya (Jibrilﷺ) ay lumisan at kami naman ay nanatili sandali, maya-maya, ang Propeta ﷺ ay nagsabi kay Omar. ‘Omar, alam mo ba kung sino yaong nagtatanong? Ako ay sumagot. ‘Ang Allah at ang Kanyang Sugo ang higit na nakaaalam.’ Siya (Propeta ng Allah) ay nagsabi: Lyon ay si Jibrilﷺ (Anghel Jibril) dumating siya upang turuan kayo (mga Muslim) ng mga paksa ng inyong relihiyon.”⁶⁹

Tanong: Ano ang ikatlong pangunahing batayan?

Sagot: Ang makilala ang ating Propeta Muhammadﷺ na anak ni Abdullah, na siyang anak ni Abdul-Muttalib, na anak ni Hashim, mula sa Angkan ng Quraish, isang tribu ng mga Arabo, at ang mga Arabo ay mula sa lahi ni (Propeta) Ismael, ang anak ni Ibrahim (Propeta Abraham) ﷺ.

Tanong: Ilang taong gulang si Propeta Muhammad ﷺ?

Sagot: Animnapu’t tatlong taon (63) gulang. Ang unang apatnapung taon (40) ay noong bago siya hinirang bilang Propeta at ang sumunod na dalawampu’t tatlong taon (23) ay nahirang siya bilang Propeta at Sugo. Siya ay hinirang na maging Propeta nang ang Surah “Iqra” (Surah 96) ay ipinahayag sa kanya at hinirang maging

⁶⁷ Tinutukoy dito ang aliping babae na nakipagtalik sa kanyang amo (master) at nagdalang-tao at nagsilang ng isang sanggol na kanyang magiging amo. Kung dumating ang panahon na manahin ng bata ang yaman ng ama at kabilang dito sa yaman ay ang kanyang ina na alipin ng kanyang ama. Samakatuwid, ang bata ay magiging amo ng kanyang sariling ina.(MM)

⁶⁸ Ito, ayon kay An-Nawawi ay tumutukoy sa mahirap na bedouin na kapagdaka’y naging mayaman at nakikipagpaligsahan sa pagtayo ng matatayog o matataas na gusali. (MM)

⁶⁹ Imam Muslim

Sugo nang ang Surah *Al-Muddath'thir* (Surah 74) ay ipinahayag sa kanya. Ang kanyang sinilangang bayan ay ang Makkah.

Tanong: Ano ang kanyang tungkulin? Bakit siya isinugo ng Allah ﷻ?

Sagot: Isinugo siya ng Allah ﷻ upang ituro ang Kaisahan ng Allah ﷻ at magbigay-babala tungkol sa Politeismo (pagbibigay katambal sa Allah ﷻ).

Tanong: Ano ang patunay tungkol sa nabanggit na paksa?

Sagot: Ang Salita ng Allah ﷻ mula sa Banal na Qur'an:

يٰۤاَيُّهَا الْمُدَّثِّرُ ﴿١﴾ قُمْ فَأَنْذِرْ ﴿٢﴾ وَرَبِّكَ فَكَبِّرْ ﴿٣﴾ وَتِيَابَكَ فَطَهِّرْ ﴿٤﴾ وَالرُّجْزَ فَاهْجُرْ ﴿٥﴾ وَلَا تَمَنَّ أَنْ تَمُنَّ تَسْتَكْبِرُ ﴿٦﴾
وَلِرَبِّكَ فَاصْبِرْ ﴿٧﴾

“O, ikaw na nakabalot (nakakumot)! Bumangon at magbigay babala. At dakilain ang iyong Panginoon. At linisin ang iyong kasuotan. At talikdan ang mga idolo. At huwag magbigay ng anumang bagay upang umasa na magkaroon ng karagdagan. At magtiis alang-alang sa iyong Rabb (Panginoon).”⁷⁰

Tanong: Ano ang ipinahihiwatig ng “**Bumangon at magbigay-babala**”?

Sagot: Ang **magbigay-babala** laban sa **Politeismo** (pagbibigay katambal sa Allah ﷻ) at ituro ang **Tawheed** (Kaisahan ng Allah).

Tanong: Ano ang ipinahihiwatig ng “**Dakilain ang iyong Panginoon at linisin ang iyong kasuotan**”?

Sagot: Luwalhatiin (at purihin) ang iyong **Rabb** (Panginoon) sa pamamagitan ng pagpapahayag ng Kanyang pagiging Isang Tanging Tunay na Diyos at linisin ang iyong mga gawain laban sa Politeismo.

Tanong: Ano ang ipinahihiwatig ng “**At talikdan ang mga idolo**”?

Sagot: Ang itakwil ang mga idolo sa pamamagitan ng pagtalikod at pag-iwas sa mga ito at sa mga sumasamba nito.

Tanong: Ilang taon nagtagal ang pagbibigay ng mensahe ni Propeta Muhammad ﷺ tungkol sa kautusang nabanggit sa itaas?

Sagot: Sampung taon, (at) pagkaraan nito, siya ay itinaas sa kalangitan (**Miraj**) na kung saan ang limang ulit na pagdarasal ay iniutos sa kanya. Pagkaraan nito, siya ay inatasang lumikas (dumayo) patungong Madinah.

⁷⁰Qur'an 74:1-7

Tanong: Ano ang Hijrah?

Sagot: Ito ay ang paglikas (at pagdarayo) mula sa bayan ng **Politeismo** patungong bayan ng Islam, at paglisan mula sa pook na nangingibabaw ang **Bi'daah** tungo sa lugar na kung saan isinasagawa ang **Sunnah**.

Tanong: Ano ang kapasiyahan ng Islam tungkol sa Hijrah (Paglikas o pandarayo)?

Sagot: Ito ay tungkuling nararapat na isagawa ng mga Muslim na nagkataong nasa bayan ng Politeismo na lumisan mula rito tungo sa bayan ng Islam, at mula sa lugar ng **Bi'daah**⁷¹ tungo sa lugar ng **Sunnah**⁷². Ito ay may bisa hanggang sumikat ang araw mula sa kanluran (na ibig sabihin hanggang sa katapusan ng panahon).

Tanong: Ano ang patunay tungkol sa nabanggit na paksa sa itaas?

Sagot: Ang Salita ng Allah ﷻ mula sa Banal na Qur'an:

إِنَّ الَّذِينَ تَوَفَّيْنَاهُمُ الْمَلَائِكَةَ ظَالِمِي أَنْفُسِهِمْ قَالُوا فِيمَ كُنْتُمْ قَالُوا كُنَّا مُسْتَضْعَفِينَ فِي الْأَرْضِ قَالُوا أَلَمْ تَكُنْ أَرْضُ اللَّهِ وَسِعَةً فَهَاجِرُوا فِيهَا فَأُولَئِكَ مَأْوَاهُمْ جَهَنَّمُ وَسَاءَتْ مَصِيرًا ﴿٧٧﴾ إِلَّا الْمُسْتَضْعَفِينَ مِنَ الرِّجَالِ وَالنِّسَاءِ وَالْوِلْدَانِ لَا يَسْتَطِيعُونَ حِيلَةً وَلَا يَهْتَدُونَ سَبِيلًا ﴿٧٨﴾ فَأُولَئِكَ عَسَى اللَّهُ أَنْ يَعْفُوَ عَنْهُمْ وَكَانَ اللَّهُ عَفُورًا غَفُورًا ﴿٧٩﴾

"Katotohanan, sila (mga kaluluwa) na kinuha ng mga anghel habang ginagawan ng lisyang mga sarili (sa pananatili sa mga di-sumasampalataya samantalang ang Hijrah ay ginawang tungkulin sa kanila)⁷³, (ang mga Anghel) ay nagsabi sa kanila, "Ano ang nangyari sa inyo? Sila ay nagsabi. "Kami ay mahihina at inapi sa mundo." Sila (mga Anghel) ay nagsabi "Hindi ba malawak ang lupain ng Allah upang kayo'y lumikas? Matatagpuan ng mga ganitong tao ang Impiyerno bilang kanilang kasasadlakan. Napakasamang hantungan. Maliban sa mga (tunay na) mahihina mula sa mga lalaki, babae at mga bata na walang kakayahan at walang makitang paraang lumikas. Para sa mga ito, may pag-asa sa kapatawaran mula sa Allah, sapagka't ang Allah ay Mapagpaumanhin, Laging Mapagpatawad."⁷⁴

⁷¹ **Bi'daah** - ito ay binubuo ng lahat ng gawain at ritwal na ginagawa ng sinumang Muslim na hindi umaayon sa kautusan ng Allah at ng Kanyang Sugo. Ang mga ganitong uri ng gawain at ritwal ay siyang nagbibigay daan upang ang isang manananamplata ay maligaw ng landas. Halimbawa ng **Bi'daah**: Maraming bansang Muslim o pangkat ng Muslim ang nagdiriwang sa kaarawan ni Propeta Muhammad. Ito ay hindi naaayon sa aral ng Islam at hindi ito ipinag-utos ni Propeta Muhammad. Kaya, ito ay itinuturing na isang **Bi'daah**.

⁷² **Sunnah** - ito ay kinabibilangan ng lahat ng gawain, tradisyon, pag-uugali, mga aral, payo, mga salita at pangyayaring sinang-ayunan ni Propeta Muhammad. Ang Sunnah ng Propeta ang siyang nagbibigay daan upang matamo ang higit pang antas ng *Iman* at kasiyahan ng Allah sa Kanyang mga alipin. Ang Sunnah ng Propeta ay matatagpuan mula sa mga Hadith (Salaysay) na tinipon ng mga mapananaligang kasamahan ng Propeta noong siya ay nabubuhay pa. Samakatuwid, isang inspirasyon para sa isang Muslim ang isakatuparan ang mga Sunnah ng Propeta sapagka't ang lahat ng mga ito ay paglalarawan ng kabutihan at kabanalan.

⁷³ Ayon kay Ibn Abbas, tinutukoy dito yaong mga sumuway kay Propeta Muhammad ﷺ sa pamamagitan ng pagtanggap lumikas patungo sa Madinah at piniling manatili sa Makkah.

⁷⁴ Qur'an 4:97-99

At sa Kanyang mga Salita:

يَعْبَادِي الَّذِينَ ءَامَنُوا إِنَّ أَرْضِي وَاسِعَةٌ فَإِنِّي فَاعْبُدُونِ ﴿٥٦﴾

“O, aking mga alipin na nananampalataya! Katotohanan, malawak ang Aking lupa, (kaya dapat kayong lumikas [dumayo] rito), at tanging Ako lamang ang inyong sambahin.”⁷⁵

Tanong: Ano ang dahilan kung bakit inihayag ang dalawang **Ayat** (talata) na nabanggit sa itaas?

Sagot: Ang dahilan ng pagkapahayag ng unang **Ayat** (talata) ay sapagka't may mga tao sa Makkah na pumasok sa Islam nguni't nanatili sa Makkah at hindi sumamang lumikas patungong Madina kay Propeta Muhammad ﷺ. Karamihan sa kanila ay napasailalim sa pagsubok at nakianib sa mga politeista (Quraish) na nakipaglaban sa mga Muslim sa Digmaang **Badr**. Hindi tinanggap ng Allah ang kanilang dahilan at ang kanilang parusa ay Impiyerno. Ang pangalawang **Ayat** (talata) ay ipinahayag sapagka't may mga Muslim sa Makkah na hindi lumikas nguni't tinawag pa rin sila ng Allah ﷻ bilang mga mananampalataya at inanyayahan sila na dumayo patungo sa Madinah.

Tanong: Ano ang patunay mula sa **Hadith** na ang kautusan tungkol sa paglikas (**Hijrah**) ay patuloy na mananatili?

Sagot: Ang salita ng Propeta Muhammad ﷺ:

“Ang (**Hijrah**) paglikas ay hindi magwawakas hanggang hindi magwawakas ang gawang pagbabalik-loob sa Allah. At hindi magwawakas ang pagbabalik-loob sa Allah hanggang sumikat ang araw sa kanluran.”⁷⁶

Tanong: Ano ang itinagubilin ni Propeta Muhammad ﷺ pagkaraan siya ay manirahan sa Madinah?

Sagot: Siya ay nag-utos na isagawa ang mga natitirang batas ng Islam tungkol sa **Zakah**, **Pag-aayuno**, **Hajj**, **Adhan** (pagtawag sa Oras ng **Salaah**), **Jihad** (pakikipaglaban o pakikipaglaban sa Landas ng Allah) at iba pang Batas ng Islam.

Tanong: Gaano siya katagal nabuhay pagkaraan nito?

Sagot: Siya ay nabuhay ng sampung taon at namatay, nguni't ang kanyang relihiyon ay mananatiling buhay habang panahon. Walang isang mabuting bagay na hindi niya itinuro sa kanyang mga tagasunod o isang masamang bagay na hindi niya binigyang-babala ang kanyang tagasunod laban dito.

⁷⁵ Qur'an 29:56

⁷⁶ Imam Ahmad & Imam Abu David

Tanong: Anu-ano ang mga mabubuting bagay na kung saan pinatnubayan niya ang kanyang **Ummah** (sambayanang Muslim), at anu-ano ang mga masasamang bagay na kung saan siya ay nagbigay babala laban dito?

Sagot: Ang mga mabubuting bagay na kung saan pinatnubayan niya ang kanyang mga tagasunod ay ang Paniniwala sa Nag-iisang Diyos (Allahﷻ) (monoteismo) at ang lahat ng ikinalulugod at ikinagagalak ng Allahﷻ. Ang mga masasamang bagay na binigyan niya ng babala ay ang Politeismo (pagbibigay ng katambal sa Allahﷻ) at ang lahat ng bagay na kinamumuhian at ipinagbabawal ng Allah.

Tanong: Isinugo ba ng Allahﷻ si Propeta Muhammadﷺ sa isang partikular na angkan lamang o sa buong sangkatauhan?

Sagot: Isinugo ng Allahﷻ si Propeta Muhammadﷺ sa buong sangkatauhan at ginawang isang tungkulin para sa tao at Jinn na sumunod sa kanya.

Tanong: Ano ang patunay tungkol sa nabanggit na paksa sa itaas?

Sagot: Ang Salita ng Allahﷻ mula sa Banal na Qur'an:

قُلْ يَأَيُّهَا النَّاسُ إِنِّي رَسُولُ اللَّهِ إِلَيْكُمْ جَمِيعًا

“ Ipahayag mo! O, Sangkatauhan, ako ay Sugo ng Allah sa inyong lahat ...”⁷⁷

At sa Kanyangﷻ Salita:

وَإِذْ صَرَفْنَا إِلَيْكَ نَفَرًا مِّنَ الْجِنِّ يَسْتَمِعُونَ الْقُرْآنَ فَلَمَّا حَضَرُوهُ قَالُوا أَنصِتُوا فَلَمَّا قُضِيَ وَلَّوْا إِلَىٰ قَوْمِهِمْ مُّندِرِينَ ﴿٢٨﴾

“ At nang Aming patunguhin sa iyo ang ilang mga Jinn upang makinig ng Qur'an, (at) nang naroroon na ang mga ito, sila ay nangagsabi, “makinig nang tahimik” at nang ito ay matapos, sila ay nagsipagbalik sa kanilang mga kasamahan bilang mga tagapagbabala.”⁷⁸

Tanong: Binigyan ba ng Allah ng kaganapan ang relihiyong Islam sa panahon ni Propeta Muhammad o ito ay naging ganap pagkaraan niya?

Sagot: Binigyan ng Allahﷻ ng kaganapan ang relihiyong Islam sa panahon niya upang wala nang dapat pang idagdag dito pagkaraan niya.

Tanong: Ano ang patunay nito?

⁷⁷Qur'an 7:158

⁷⁸Qur'an 46:29

Sagot: Ang Salita ng Allah ﷻ mula sa Banal na Qur'an:

الْيَوْمَ أَكْمَلْتُ لَكُمْ دِينَكُمْ وَأَتَمَمْتُ عَلَيْكُمْ نِعْمَتِي وَرَضِيتُ لَكُمُ الْإِسْلَامَ دِينًا

“... Sa araw na ito, Aking ginawang ganap para sa inyo ang inyong relihiyon at binuo ang Aking kagandahang-loob sa inyo at pinili ang Islam bilang inyong relihiyon...”⁷⁹

Tanong: Ano ang patunay tungkol sa kamatayan ng Sugo ng Allah ﷻ?

Sagot: Ang Salita ng Allah ﷻ mula sa Banal na Qur'an:

إِنَّكَ مَيِّتٌ وَإِنَّهُمْ مَيِّتُونَ ﴿١٠٠﴾ ثُمَّ إِنَّكُمْ يَوْمَ الْقِيَامَةِ عِنْدَ رَبِّكُمْ تَخْتَصِمُونَ ﴿١٠١﴾

“Katotohanan, ikaw (O, Muhammad) ay mamamatay at katiyakan, sila rin ay mamamatay. Pagkatapos noo'y kayo ay magtatalu-talo sa harap ng inyong Rabb (Panginoon) sa Araw ng Paghuhukom.”⁸⁰

Tanong: Ang mga tao ba ay mabubuhay muli pagkaraan ng kamatayan?

Sagot: Tunay na sila ay muling mabubuhay sapagka't ang Allah ﷻ ay nagsabi mula sa Banal na Qur'an:

﴿١٠٢﴾ مِنْهَا خَلَقْنَاكُمْ وَفِيهَا نُعِيدُكُمْ وَمِنْهَا نُخْرِجُكُمْ تَارَةً أُخْرَى ﴿١٠٣﴾

“Mula sa lupa, kayo'y Aming nilikha, at dito rin Namin kayo'y ibabalik, at mula rito, kayo'y Aming ilalabas muli.”⁸¹

At sinabi rin Niya ﷻ:

وَاللَّهُ أَنْبَتَكُمْ مِنَ الْأَرْضِ نَبَاتًا ﴿١٠٤﴾ ثُمَّ يُعِيدُكُمْ فِيهَا وَيُخْرِجُكُمْ إِخْرَاجًا ﴿١٠٥﴾

“At kayo ay pinalitaw ng Allah mula sa lupa. Pagkatapos, kayo ay Kanyang ibabalik dito at muling ilalabas mula rito (sa Araw ng Paghuhukom).”⁸²

Tanong: Ang mga tao ba ay papananagutin at gagantihan sa kanilang mga gawa pagkaraang sila ay mabuhay muli o hindi?

Sagot: Katiyakan na sila ay mananagot at gagantihan (bibigyan ng gantimpala o parusa). Ang katotohanang ito ay binigyang liwanag ng Allah ﷻ mula sa Banal na Qur'an:

⁷⁹ Qur'an 5:3

⁸⁰ Qur'an 39:30-31

⁸¹ Qur'an 20:55

⁸² Qur'an 71:17-18

لِيَجْزِيَ الَّذِينَ أَسْتُؤُوا بِمَا عَمِلُوا وَيَجْزِيَ الَّذِينَ أَحْسَنُوا بِالْحُسْنَى ﴿٥٣﴾

“Upang Kanyang papanagutin yaong mga gumawa ng kasamaan na angkop sa kanilang ginawa at gagantimpalaan ng pinakamabuti (Paraiso) yaong mga gumawa ng mabuti.”⁸³

Tanong: Ano ang kapasiyahan tungkol sa isang hindi naniniwala sa Araw ng Pagkabuhay na Muli?

Sagot: Siya ay isang **Kafir** (taong walang pananampalataya) sapagka't ang Allah ﷻ ay nagsabi mula sa Banal na Qur'an:

زَعَمَ الَّذِينَ كَفَرُوا أَنْ لَنْ يُبْعَثُوا قُلْ بَلَىٰ وَرَبِّي لَتُبْعَثُنَّ ثُمَّ لَتُنَبَّؤُنَّ بِمَا عَمِلْتُمْ وَذَٰلِكَ عَلَى اللَّهِ يَسِيرٌ ﴿٥٤﴾

"Inaakala ba ng mga walang pananampalataya na sila ay hindi bubuhaying muli (upang papanagutin). Ipahayag mo!: “Katiyakan, isinusumpa ko sa aking Rabb (Panginoon) na kayo ay bubuhaying muli, at ipababatid sa inyo ang inyong mga ginawa. At iyon ay madali para sa Allah.”⁸⁴

Tanong: Ano ang mensahe na ibinigay ng Allah ﷻ sa Kanyang mga Sugo?

Sagot: Ang magparating ng magandang balita sa mga may (tunay at tamang) pananampalataya sa Kaisahan ng Allah ﷻ na sila ay gagantimpalaan ng Paraiso at ang magbigay ng babala sa mga nagbibigay katambal sa Allah ﷻ na sila ay parurusahan sa Impiyerno.

Tanong: Ano ang patunay nito?

Sagot: Ang Kanyang ﷻ Salita mula sa Banal na Qur'an:

رُسُلًا مُّبَشِّرِينَ وَمُنذِرِينَ لَعَلَّ الْيَكْفُورِينَ عَلَى اللَّهِ حُجَّةٌ بَعْدَ الرُّسُلِ ﴿٥٥﴾

“Ang mga Sugo ay tagapaghatid ng mga magandang Balita tungkol sa Paraiso at tagapagbigay babala tungkol sa Impiyerno upang ang sangkatauhan ay walang mairadahan laban sa Allah pagkaraan ng mga Sugo. At ang Allah ay Ganap na Makapangyarihan, ang Tigib ng Karunungan.”⁸⁵

Tanong: Sino ang unang Sugo?

Sagot: Si Nuh (Noah) ﷺ.

Tanong: Ano ang patunay nito?

Sagot: Ang Salita ng Allah ﷻ mula sa Banal na Qur'an:

⁸³ Qur'an 53:31

⁸⁴ Qur'an 64:7

⁸⁵ Qur'an 4:165

﴿ إِنَّا أَوْحَيْنَا إِلَيْكَ كَمَا أَوْحَيْنَا إِلَى نُوحٍ وَالنَّبِيِّينَ مِنْ بَعْدِهِ ۗ ﴾

“Katotohanan, tunay na binigyan Namin kayo ng inspirasyon (o Muhammad) ng kapahayagan katulad ng Aming pagbibigay inspirasyon kay Noah at ng mga Propetang sumunod sa kanya...”⁸⁶

Tanong: Mayroon bang isang pamayanan (o bansa) na iniwan na walang Sugo at hindi ipinadala sa kanila ito upang magbigay aral na sambahin ang Allah ﷻ lamang at wala nang iba at (sa gayon) maiwasan ang Taghoot⁸⁷?

Sagot: Walang pamayanan (o bansa) na hindi pinadalhan ng Sugo para sa kanila. Ito ay isang katotohanan na pinatutunayan mula sa Banal na Qur'an- ang Salita ng Allah ﷻ:

﴿ وَلَقَدْ بَعَثْنَا فِي كُلِّ أُمَّةٍ رَسُولًا أَنْ آعْبُدُوا اللَّهَ وَاجْتَنِبُوا الطَّاغُوتَ ۗ ﴾

“At Katotohanan, Aming isinugo sa bawat bansa ang isang Sugo na nagbibigay paanyaya na: Sambahin lamang ang Allah at iwasan ang taghoot...”⁸⁸

Tanong: Ano ang taghoot?

Sagot: Ito ay kinabibilangan ng lahat ng bagay na sinasamba ng tao maliban sa Allah ﷻ. Ito ay nakatuon din sa taong labis na sumusunod, humahanga at nagbibigay papuri sa kapwa tao.

Tanong: Ilan ba ang taghoot?

Sagot: Marami nguni't ang kanilang pinuno ay lima.

Una, ay ang **Iblis** (Satanas na isinumpa ng Allah ﷻ),
Pangalawa, ang isang tao na sumasang-ayon na siya ay sambahin,
Pangatlo, ang isang tao na nanghihikayat sa mga tao upang siya ay sambahin,
Ikaapat, ang isang tao na nagsasabi na siya ay may kaalaman sa mga bagay na hindi nakikita (unseen world),
Ikalima, ang isang tao na nagpapatupad ng ibang batas at kanyang pinawawalang-halaga ang batas na ibinigay ng Allah ﷻ.

(**Paalala:** Ipinag-uutos sa mga Muslim na huwag paniwalaan ang mga ito at talikdan ang mga ito at sumunod sa Kalooban ng Allah ﷻ.)

Tanong: Ano ang patunay tungkol sa paksang nabanggit sa itaas?

⁸⁶ Qur'an 4:163

⁸⁷ Ang Taghoot ay anumang bagay na sinasamba maliban sa Allah ﷻ. (MM)

⁸⁸ Qur'an 16:36

Sagot: Ang Salita ng Allah ﷻ mula sa Banal na Qur'an:

لَا إِكْرَاهَ فِي الدِّينِ قَدْ تَبَيَّنَ الرُّشْدُ مِنَ الْغَيِّ فَمَنْ يَكْفُرْ بِالطَّاغُوتِ وَيُؤْمِنْ بِاللَّهِ فَقَدِ اسْتَمْسَكَ بِالْعُرْوَةِ
الْوُثْقَىٰ لَا انفِصَامَ لَهَا وَاللَّهُ سَمِيعٌ عَلِيمٌ ﴿٢٥٦﴾

“Walang sapilitan sa Relihiyon. Katotohanan, ang matuwid na landas ay (ganap) na malinaw kaysa sa maling landas. Sinuman ang nagtakwil sa taghoot at nanampalataya sa Allah, tunay na kanyang napanghawakan ang matibay na sandigan. Ang Allah ay nakaririnig ng lahat, ang Lubos na Maalam.”⁸⁹

At sinabi Niya ﷻ:

وَلَقَدْ بَعَثْنَا فِي كُلِّ أُمَّةٍ رَسُولًا أَنِ اعْبُدُوا اللَّهَ وَاجْتَنِبُوا الطَّاغُوتَ

“At katotohanan, Aming ipinadala sa bawa't pamayanan ang isang Sugo na nagsasabi (nag-aanyaya) na: Sambahin ang Allah at iwasan ang taghoot...”⁹⁰

At sinabi pa rin Niya ﷻ:

قُلْ يَا أَهْلَ الْكِتَابِ تَعَالَوْا إِلَىٰ كَلِمَةٍ سَوَاءٍ بَيْنَنَا وَبَيْنَكُمْ أَلَّا نَعْبُدَ إِلَّا اللَّهَ وَلَا نُشْرِكَ بِهِ شَيْئًا وَلَا يَتَّخِذَ
بَعْضُنَا بَعْضًا أَرْبَابًا مِّنْ دُونِ اللَّهِ فَإِن تَوَلَّوْا فَقُولُوا اشْهَدُوا بِأَنَّا مُسْلِمُونَ ﴿٢٥٧﴾

“Ipahayag: ‘O, Angkan (pinagkalooban) ng Kasulatan, halina sa isang salita na sadyang makatarungan sa amin at sa inyo, na wala tayong sasambahin maliban sa Allah at hindi tayo magbibigay ng anumang katambal sa Kanya at huwag tayong magtakda mula sa ating mga sarili bilang Rabb (Panginoon) maliban sa Allah. Kung sila ay magsitalikod, inyong sabihin: ‘Kayo ay saksi na kami ay Muslim (sumusuko sa Kalooban ng Allah).’⁹¹

At ito ang kahulugan ng:

“La illaha ilallah” Walang [tunay na] Diyos na dapat sambahin maliban sa Allah ﷻ. Ang Sugo ng Allah ﷻ ay nagsabi:

(رأس الأمر الإسلام وعموده الصلاة وذروة سنامه الجهاد في سبيل الله)

“Ang pinakamahalagang bagay ay ang Islam at ang pinakahaligi nito ay ang Salaah (Pagdarasal) at ang pinakamataas na antas nito ay ang Jihad”⁹². At ang Allah ﷻ ang nakababatid.

⁸⁹ Qur'an 2:256

⁹⁰ Qur'an 16:36

⁹¹ Qur'an 3:64

⁹² At-Tirmidhi



ANG APAT NA ALITUNTUNIN

Ako ay dumadalangin sa Allah ﷻ, ang Mapagpala, ang *Rabb* (Panginoon) ng Dakilang Trono, na nawa’y pangalagaan kayo dito sa mundo at sa kabilang buhay at pagpalain kayo ng Allah saan man naroroon. Akin ding idinadalangin sa Kanya ﷻ na gawin kayong katulad ng mga taong kapag nabibigyan ng biyaya, sila ay nagpapapasalamat at kung sila ay nagkakaroon ng kasiphayuhan, sila ay nagtitiis. At kung sila ay nagkasala, sila ay humihingi ng kapatawaran. Ito ang mga katangian ng tunay na kahulugan ng kaligayahan.

Dapat alamin, nawa’y patnubayan kayo ng Allah ﷻ sa pagsunod sa Kanya, na sa katotohanan, ang **Hanifiyyah**, ang relihiyon ni Propeta Abraham ﷺ ay naglalayong sambahin ang Allah ﷻ lamang at maging matapat sa Kanya. Ang Allah ﷻ ay nagsabi:

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ ﴿٥١﴾

“At hindi ko nilikha ang tao at Jinn maliban na sila ay sumamba sa Akin.”⁹³

Kung nalalaman mo na nilikha ka lamang ng Allah ﷻ upang sumamba sa Kanya lamang, dapat mong malaman na ang pagsamba ay nagiging tunay at ganap kung ito ay may lakip na pananampalataya sa Kaisahan ng Allah ﷻ. Katulad din ng **Salaah** na hindi maaaring magkabisa kung ito ay walang kasamang **Wudoo** (ablution). Kapag ang Politeismo ay ginagawa, ang gawang pagsamba ay nawawalan ng kabuluhan, katulad din kapag nagawa ang isa sa mga nagpapawalang bisa ng **wudoo** (ablution).

“Hindi nararapat ang pananatili ng mga “Musrikun”⁹⁴ sa mga Masjid samantalang sila ay sumasaksi laban sa kataksilan ng kanilang sariling kaluluwa ng walang paniniwala. Ang ganitong gawain ay walang ibubungang kabutihan. At sa apoy ang kanilang hantungan.”⁹⁵

Kung napag-alaman mo na ang **Shirk** (Idolatriya) ay sumisira sa anumang gawang pagsamba at ginagawang walang kabuluhan ito, ang taong gumagawa nito ay nabibilang sa Impiyerno. Ang kaalaman tungkol dito ay isa sa pinakamahalagang tungkulin na dapat gampanan. Nawa’y iligtas ka ng Allah ﷻ mula sa pagbibigay katambal sa Kanya. Ang Allah ﷻ ay nagsabi:

إِنَّ اللَّهَ لَا يَغْفِرُ أَنْ يُشْرَكَ بِهِ وَيَغْفِرُ مَا دُونَ ذَلِكَ لِمَنْ يَشَاءُ ﴿٥٢﴾

“Katotohanan, Hindi pinatatawad ng Allah ang (kasalanan ng) pagbibigay katambal o kaugnay sa Kanya nguni’t pinatatawad Niya ang kasalanan bukod dito sa sinumang Kanyang naisin...”⁹⁶

⁹³ **Qur'an** 51:56 Si Ibn Kathir ay nagpaliwanag sa bersikulong ito ng ganito: “Aking nilikha lamang sila upang pag-utusan silang sumamba sa Akin, hindi dahil kailangan Ko sila.”

⁹⁴ **Musrikun**-Sila ang mga taong nang-iidolo o sumasamba sa mga bagay tulad ng pagsamba sa araw, buwan, bituin, punong kahoy, mga santo at santa, estatuwa, imaheng inanyuhan. (Ito ay karagdagang talababa ng tagasalin sa wikang Pilipino)

(Aking sinabi: Walang alinlangang ang tao ay nilikha sa magandang kalagayan upang maging angkop sa mga gawaing pagsamba, at ihanda siya para rito kaya pinagkalooban ng Allah ﷻ ang tao ng katuwiran (at kaisipan) at ipinagkaloob sa kanya ang mga pandinig, paningin at iba pang uri ng pamamaraan ng paghahanda.)(MD)

⁹⁵ **Qur'an** 9:17

Ang kaligtasan sa Apoy ng Impiyerno ay matatamo kung nalalaman ang apat na alituntunin na binanggit ng Allah ﷻ sa Kanyang Aklat (Banal na Qur'an.)

ANG UNANG ALITUNTUNIN

Ang malaman na ang mga **Kafir** (walang pananampalataya), na lumaban kay Propeta Muhammad ﷺ ay kinikilala ang Allah ﷻ bilang Tagapaglikha, Tagapanustos at Siyang may Tangan ng lahat ng pangyayari, subali't ang mga ito ay hindi itinuring bilang mga Muslim (na ang ibig sabihin, ang pagkilala nila sa Allah ﷻ bilang Panginoon ay hindi sapat upang tawagin silang mga Muslim. Sila ay dapat mag-alay ng tapat na pagsamba sa Allah ﷻ lamang). Ito ay binigyang patunay ng Allah ﷻ mula sa Banal na Qur'an na nagsabing:

قُلْ مَنْ يَرْزُقُكُمْ مِّنَ السَّمَاءِ وَالْأَرْضِ أَمَّنْ يَمْلِكُ السَّمْعَ وَالْأَبْصَرَ وَمَنْ يُخْرِجُ الْحَيَّ مِنَ الْمَمِيتِ وَمَنْ يُخْرِجُ الْمَمِيتَ مِنَ الْحَيِّ وَمَنْ يُدَبِّرُ الْأَمْرَ فَسَيَقُولُونَ اللَّهُ فَقُلْ أَفَلَا تَتَّقُونَ ﴿١٠٦﴾

“Sabihin: Sinong nagbigay sa inyo ng inyong ikabubuhay na nagmula sa mga kalangitan at kalupaan? O, Sino ang may kapangyarihan (sa pagbibigay ng) pandinig at paningin? Sino ang nagbigay ng buhay mula sa mga patay at nagpanumbalik sa patay mula sa may buhay? Sinong namamahala ng lahat ng pangyayari? Sila ay nagsasabi, ‘Ang Allah’. Kaya sabihin, "Hindi ba kayo (kung gayon) natatakot sa Kanya?"⁹⁷

ANG IKALAWANG ALITUNTUNIN

Ang mga **Mushrik** ay nagsabi:

“ Kami ay hindi dumadalangin sa mga santo at mga diyusan-diyusan. Kami ay humihingi lamang ng paraan upang mailapit nila kami sa Allah at mamagitan sila sa Kanya para sa aming kaligtasan.”

Ang patunay na ang paghingi ng paraan sa mga itinuturing na santo at diyus-diyusan upang mapalapit sa Allah ay isang gawang Politeismo (**Shirk**) ay ang Salita ng Allah:

وَالَّذِينَ اتَّخَذُوا مِنْ دُونِهِ أَوْلِيَاءَ مَا نَعْبُدُهُمْ إِلَّا لِيُقَرِّبُونَا إِلَى اللَّهِ زُلْفَىٰ إِنَّ اللَّهَ يَحْكُمُ بَيْنَهُمْ فِي مَا هُمْ فِيهِ يَخْتَلِفُونَ ۗ إِنَّ اللَّهَ لَا يَهْدِي مَنْ هُوَ كَاذِبٌ كَفَّارٌ ﴿٢٥﴾

“ ... At sila na kumuha ng Awliya (tagapangalaga, katulong, panginoon, diyus-diyusan) bilang katambal ng Allah (ay nagsabi): “Kami ay hindi sumasamba sa kanila malibang humingi lamang ng paraan upang mapalapit sa Allah”. Katiyakan, Ang Allah ay hahatol sa anumang bagay na

⁹⁶ Qur'an 4:116

⁹⁷ Qur'an 10:31

kanilang di-pinagkasunduan. Hindi pinapatnubayan ng Allah ang sinumang sinungaling at di-sumampalataya sa Kanya.”⁹⁸

At ang patunay ng pamamagitan (**intercession**) [yaong pagsamba sa mga idolo at humingi ng tulong at katuparan ng kanilang mga kahilingan o mithiin at ang mga idolong ito ay ginagawa nilang tagapamagitan sa Allah ﷻ ay itinuturing bilang isang **Shirk** na isinalaysay ng ganito:

وَيَعْبُدُونَ مِن دُونِ اللَّهِ مَا لَا يَضُرُّهُمْ وَلَا يَنْفَعُهُمْ وَيَقُولُونَ هَتُوْلَاءِ شَفَعْتُنَا عِنْدَ اللَّهِ قُلْ أَتَنْتَبُونَ
اللَّهُ بِمَا لَا يَعْلَمُ فِي السَّمَوَاتِ وَلَا فِي الْأَرْضِ سُبْحٰنَهُ وَتَعَالٰى عَمَّا يُشْرِكُونَ ﴿١٨﴾

“At bukod pa sa Allah, sila ay sumasamba sa iba na hindi naman makapagbibigay ng kasamaan at kabutihan sa kanila at sila’y nagsasabing: “Sila ang aming mga tagapamagitan sa Allah.” Sabihin: Ipinaaalam ba ninyo sa Allah na hindi Niya batid ang (mga bagay sa) nasa mga kalangitan at kalupaan? Ang Kaluwalhatian at Kataas-taasan ay sa Allah na malayo sa anupamang itinatambal ninyo sa Kanya.”⁹⁹

May dalawang uri ng pamamagitan (**intercession**); (1) ang walang-bisang pamamagitan at (2) ang tunay na pamamagitan. Ang walang-bisang pamamagitan (**intercession**) ay yaong paghingi ng tulong bukod sa Allah ﷻ para sa kanilang pangangailangan na walang makapagbibigay katuparan nito maliban sa Allah ﷻ. Ang patunay nito ay ang Salita ng Allah:

يٰٓأَيُّهَا الَّذِيْنَ ءَامَنُوْا اَنْفِقُوْا مِمَّا رَزَقْنٰكُمْ مِّنْ قَبْلِ اَنْ يَّآتِيَ يَوْمٌ لَاۡ يَبِيعُ فِيْهِ وَلَا خُلَّةٌ وَلَا شَفِيعَةٌ ۗ وَالْكَٰفِرُوْنَ هُمْ
الظٰلِمُوْنَ ﴿٢٥٤﴾

“O, Kayong nananampalataya! Gumugol mula sa biyayang ipinagkaloob Namin sa inyo bago dumating ang Araw na walang kalakalan, pagkakaibigan at ang pamamagitan ay hindi makatutulong. At ang mga walang pananampalataya ay yaong mapaggawa ng kasamaan.”¹⁰⁰

⁹⁸ Qur'an 39:3
⁹⁹ Qur'an 10:18
¹⁰⁰ Qur'an 2:254 (Sa paliwanag ni Ibn Kathir, siya ay nagsabi: “Ang Allah ﷻ ay nagbigay kautusan sa Kanyang mga alipin na gumugol at magkawanggawa mula sa biyayang Kanvang ipinagkaloob sa kanila upang makatipon ng mga gantimpala at pagpapala mula sa kanilang Panginoon. At dahil dito, sila ay dapat magmadali sa paggawa ng kabutihan bago dumating ang Araw ng Pagkabuhay na muli na kung saan walang kaibigan o pakiusapan ang makakatulong sa bawa’t isa.” Walang sinuman ang makapagpapalaya sa sarili, ni walang pagbabayad ang maaaring gawin, kahit na gumugol pa ng kasing halaga ng ginto nang buong mundo at maging ang kamag-anakan ay walang magagawa sapagka’t ang Allah ay nagsabi:
“At kapag ang trumpeta ay hinipan, wala ng ugnayang kamag-anakan sa pagitan nila sa Araw na yaon at walang sinuman ang makapagtatantong sa isa’t isa. (Qur'an 23:101)
“At walang pamamagitan sa mga nararapat pamagitanan.

“At ang mga walang pananampalataya” sila ang mga taong hindi makatarungan o masamang makasalanan nang higit pa kaysa sa isang lumapit sa Allah sa Araw na yaon bilang walang pananampalataya. Si Ata’b Dinar ay nagsabi: Ang pagpuri ay sa Allah na Siyang nagsabi: “Ang mga walang pananampalataya ay ang mga mapaggawa ng masama at hindi Niya sinabi”Ang mapaggawa ng masama ay ang walang pananampalataya. Ang Allah ang tanging nakababatid.i.e walang sinumang ang magtatangkang mamagitan sa Allah nang walang kapahintulutan sapagka’t ang Allah ay Makapangyarihan, Ganap na Dakila at Kagila-gilalas. Ang Hadith tungkol sa Pamamagitan (Intercession),ang Sugo ng Allah ay nagsabi:”Ako ay mauuna sa Araw ng Paghuhukom at ako ay magpapatirapa sa ilalim ng Trono. Mananatili ako sa ganitong kalagayan hanggang marapatin ng Allah, pagkaraan ay sasabihin,”Itaas ang iyong ulo at sabihin; ikaw ay pakikinggan, mamagitan at ang iyong pamamagitan ay tatanggapin. Ang Sugo ng Allah ay nagsabi:Pagkaraan, ako ay pahihintulutang mamagitan para sa takdang bilang ng tao at sila ay tatanggapin sa Paraiso. Ang Allah ang nakaalam. Ang dahilan para sa sinabi ni Ata’b Dinar ay isang katotohanan na bawa’t walang pananampalataya ay makasalanan nguni’t hindi lahat ng makasalanan ay walang pananampalataya. Ang ibang mananampalataya ay maaaring magkasala sa paggawa ng kasalanan nguni’t sila ay mananatiling mananampalataya at ang Iman ay mamamalagi sa kanila. Ang Allah ang nakaalam.(MM)

At ang tunay na pamamagitan (**intercession**) ay yaong tuwirang hinihingi sa Allah. Ang tagapamagitan na pinahihintulutan ng Allah ﷻ ay yaong binigyan ng karangalan na maging tagapamagitan at yaon namang taong para pamagitanan ay isang taong ang mga gawa at pananalita ay ikinasisiya ng Allah. Ang ganitong pamamagitan (**intercession**) ay maaaring hingin sa Allah ﷻ lamang sapagka't ito ay nakaukol lamang sa Kanya. Ang sinumang humingi ng pamamagitan sa iba at hindi sa Allah ﷻ ay nakagawa ng Politeismo (**Shirk**) samakatuwid walang kabuluhan ang kanyang layunin at inilagay lamang ang sarili sa kapahamakan (kasalanan). Tinatanggap lamang ng Allah ﷻ ang malinis at wagas na pananampalataya sa Kanyang Kaisahan at pinahihintulutan lamang ang pamamagitan (**intercession**) doon sa mga matibay na pinanghahawakan ang (Tawheed) Paniniwala sa Tanging isang Diyos (ang Allah ﷻ) bilang kanilang pananampalataya. Ang Allah ﷻ ay nagsabi mula sa Banal na Qur'an:

مَنْ ذَا الَّذِي يَشْفَعُ عِنْدَهُ إِلَّا بِإِذْنِهِ^ع

“... Sino ang makapamamagitan sa Kanya malibang Kanyang pahintulutan...”¹⁰¹

At sinabi Niya ﷻ:

وَلَا يَشْفَعُونَ إِلَّا لِمَنْ آذَنَ

“...At wala silang mapamamagitanan maliban sa isang taong kinalulugdan Niya...”¹⁰²

At sinabi pa rin Niya ﷻ:

قُلْ لِلَّهِ الشَّفَعَةُ جَمِيعًا^ط

“Sabihin: Ang lahat ng pamamagitan ay sa Allah...”¹⁰³

ANG IKATLONG ALITUNTUNIN

Si Propeta Muhammad ﷺ ay dumating sa gitna ng mga mamamayang watak-watak ang pananampalataya. Ang ilan sa kanila ay sumasamba sa mga Anghel, ang ilan naman ay sumasamba sa mga Propeta o mga tinaguriang santo at ang iba naman ay sumasamba sa punongkahoy o bato at mayroon ding sumasamba sa araw at buwan. Nguni't ang Sugo ng Allah ﷻ ay nakipaglaban sa kanila nang walang pagtatangi-tangi sa ilang pangkat o sa iba pa. Ang patunay nito ay ang Salita ng Allah ﷻ:

وَقَاتِلُوهُمْ حَتَّى لَا تَكُونَ فِتْنَةٌ وَيَكُونَ الدِّينُ كُلُّهُ لِلَّهِ^ع

“At makipaglaban kayo sa kanila hanggang ang *Fitnah* (kawalan ng pananampalataya, politeismo [pagsamba sa iba] ay (ganap na) maglaho at ang lahat ng pagsamba ay sa Allah na lamang...”¹⁰⁴

¹⁰¹ Qur'an 2:255

¹⁰² Qur'an 21:28

¹⁰³ Qur'an 39:44

¹⁰⁴ Qur'an 8:39

At ang patunay tungkol sa araw at buwan (patunay na ang pagsamba sa araw at buwan at sa mga bituin at planeta, at ang paniniwala na ang mga ito ay may malaking impluwensiya dito sa mundo ay itinuturing na Shirk) ang Allah ﷻ ay nagpahayag mula sa Banal na Qur'an:

وَمِنْ آيَاتِهِ اللَّيْلُ وَالنَّهَارُ وَالشَّمْسُ وَالْقَمَرُ لَا تَسْجُدُوا لِلشَّمْسِ وَلَا لِلْقَمَرِ وَاسْجُدُوا لِلَّهِ الَّذِي خَلَقَهُنَّ إِن كُنتُمْ إِيَّاهُ تَعْبُدُونَ ﴿١٠٥﴾

“At kabilang sa Kanyang mga Palatandaan ay ang gabi at araw, at ang araw at ang buwan. Huwag magpatirapa sa araw o sa buwan subali't magpatirapa sa Allah, na Siyang lumikha sa kanila, kung tunay ngang Siya ang inyong sinasamba.”¹⁰⁵

Ang patunay tungkol sa mga Anghel, (ang patunay na ang pagsamba sa mga Anghel ay itinuturing na Shirk) ay ang Salita ng Allah ﷻ:

وَلَا يَأْمُرُكُمْ أَنْ تَتَّخِذُوا الْمَلَائِكَةَ وَالنَّبِيِّنَ أَرْبَابًا ۗ

“At hindi Niya ipinag-uutos sa inyo na ang mga Anghel at mga Propeta ay gawin ninyong mga Panginoon...”¹⁰⁶

At ang patunay tungkol sa mga Propeta (ang patunay na ang pagsamba sa mga Propeta at pagdalangin sa kanila ay itinuturing na Shirk) ay ang Salita ng Allah:

وَإِذْ قَالَ اللَّهُ يَعْيسَى ابْنَ مَرْيَمَ ءَأَنْتَ قُلْتَ لِلنَّاسِ اتَّخِذُونِي وَأُمِّي إِلَهَيْنِ مِن دُونِ اللَّهِ ۗ قَالَ سُبْحَانَكَ مَا يَكُونُ لِي أَنْ أَقُولَ مَا لَيْسَ لِي بِحَقِّ ۗ إِن كُنتُ فُلْتُهُ ۗ فَقَدْ عَلِمْتَهُ ۗ تَعَلَّمْ مَا فِي نَفْسِي وَلَا أَعْلَمُ مَا فِي نَفْسِكَ ۗ إِنَّكَ أَنْتَ عَالِمُ الْغُيُوبِ ﴿١٠٦﴾

“At (tandaan) kapag ang Allah ay magsasabi kay Hesus, “O Hesus na anak ni Maria, ikaw ba ay nagsabi sa tao, gawin ninyo ako at ang aking ina bilang dalawang Diyos bukod pa sa Allah? Siya (Hesus) ay magsabi: Luwalhati sa Iyo (O Allah!) ‘Hindi ko maaaring sabihin ang isang bagay na wala akong karapatang sabihin. Kung ito man ay sinabi ko, katiyakang ito ay Iyong nababatid. Talos Mo ang aking kalooban at hindi ko talos ang Iyong Kalooban. Katotohanan, Ikaw ang nakaalam sa mga nakalihim”¹⁰⁷

¹⁰⁵ Qur'an 41:37

¹⁰⁶ Qur'an 3:80 si Ibn Kathir ay nagbigay paliwanag tungkol sa Ayat (talata) ito: “Ang Allah ﷻ ay hindi nagbigay kautusan sa kaninuman na sumamba sa iba maging sa isinugong Propeta o sa Anghel na malapit sa Kanya. Maaari bang magbigay kautusan sa kawalang pananampalataya ang Allah ﷻ samantalang inyong isinusuko ang inyong mga sarili sa Kanya? Sa kaso ng mga Propeta, silang lahat ay nagbigay paanyaya na sumamba lamang sa Allah ﷻ, ang Tanging Nag-iisang Diyos. Ang Allah ﷻ ay nagsabi: “Wala Kaming ipinadalang Sugo sa inyo na hindi binigyang kapahayagan na walang ibang diyos maliban sa Akin, samakatuwid Ako ay sambahin ninyo.” Si Imam Bukhari ay nag-ulat na si Abdullah ay nagbigay puna tungkol sa naturang Ayat (talata) sa itaas at nagsabi: Yaon ay mga pangkat ng Jinn na sinamba at pagkaraan ay naging Muslim.” Si Abdullah Mas'ood ay nagpaliwanag: Ang Ayat (talata) na ito ay tumutukoy sa mga pangkat ng Arabo na dati rati ay sumasamba sa Jinn nguni't nang malaunan sila ay yumakap sa Islam samantalang hindi ito nalalaman ng mga Jinn. Ang Allah ang Ganap na nakaalam.”

¹⁰⁷ Qur'an 5:116

At ang patunay tungkol sa mga santo (ang patunay na ang pagsamba sa mga itinuturing na santo at mga mabubuting tao sa pamamagitan ng pagdalangin sa kanila at paghingi ng tulong at ginhawa sa kanila ay itinuturing na Shirk). Ang Allah ﷻ ay malayo at ganap na mataas sa kaninumang itinatangal nila sa Kanya. Ang Salita ng Allah ﷻ:

أُولَئِكَ الَّذِينَ يَدْعُونَ يَبْتَغُونَ إِلَىٰ رَبِّهِمُ الْوَسِيلَةَ أَيُّهُمْ أَقْرَبُ وَيَرْجُونَ رَحْمَتَهُ وَيَخَافُونَ عَذَابَهُ

“Yaong pinaglalaanan nila ng dalangin (tulad ni Hesus, anak ni Maria, at ang mga santo at iba pa) upang mapalapit sa Allah ay naghahangad din para sa kanilang mga sarili na higit na mapalapit sa kanilang Rabb (Panginoon) at sila ay naghahangad ng Kanyang Awa at pinangangambahan nila ang Kanyang parusa.”¹⁰⁸

At ang patunay tungkol sa mga punongkahoy at mga bato (ang patunay na ang paghingi ng pagpapala sa mga punongkahoy, mga bato, libingan ng mga mabubuting tao, mag-alay ng mga hayop para matupad ang kanilang hangarin at kaginhawahan sa pamamagitan ng paghawak sa mga telang nakakubli sa mga nitso ng mga patay, ay isinasalang-alang bilang Shirk) ay ang Salita ng Allah:

أَفَرَأَيْتُمُ اللَّاتَ وَالْعُزَّىٰ ﴿١٢﴾ وَمَنْوَةَ الثَّلَاثَةَ الْأَخْرَىٰ ﴿١٣﴾

“Nakita ba ninyo sina Lat at Uzza (dalawang diyus-diyusan ng mga paganong arabo)? At si Manat, bilang ikatlo?”¹⁰⁹

At ang Hadith ni Propeta Muhammad ﷺ na isinalaysay ni Abu Waqid al-Laithi. Siya ay nagsabi: Kami ay sumama sa Sugo ng Allah ﷻ sa Digmaan sa Hunain. At kami ay bagong yakap pa lamang sa Islam. At ang mga pagano ay may punongkahoy na tinatawag nilang Zat Anwat na kanilang sinasamba at dito nila itinatali ang kanilang mga sandata upang humingi ng pagpapala mula rito. Nang aming madaanan ito, kami ay nagsabi. “O, Sugo ng Allah, bigyan mo kami ng Zat Anwat na katulad ng kanila. Ang Sugo ng Allah ﷻ ay nagsabi: “Allahu Akbar, katotohanan, na ito ay kanilang pamamaraan (tradisyon o nakagawian). “Sumusumpa ako sa Allah na Siyang may tangan ng aking buhay, ngayon ay inyong nasabi kung ano ang sinabi ng mga angkan ng Israel kay Moises”: “Igawa mo kami ng isang sinasambang diyos katulad ng kanilang sariling diyos.” Siya ay nagsabi: katotohanan, kayo ay mga mangmang na mamamayan.” Si Propeta Muhammad ﷺ ay

¹⁰⁸ Qur'an 17:57

¹⁰⁹ Qur'an 53:19-20 - Ang Allah ﷻ ay nagbigay salita sa mga pagano dahil sa kanilang pagsamba sa mga iniidolo at ibang bagay at sila ay nagtayo ng mga templo inihahawig sa Ka'bah. Ang Ka'bah ay itinayo ni Propeta Abraham. Ang Al-Lat ay puting bato na may nakaukit dito. Ito ay napapaligiran ng kurtina na may bakuran na dinadalanginan at sinasamba ng mga taga-Taif noong unang panahon. Si Al-Uzza ay isang punongkahoy na napapaligiran ng isang harang na pinalamutian ng kurtina sa pook na ang tawag ay Nakhlah na nasa pagitan ng Makkah at Taif. Ito ay sinasamba ng mga Quraish. Si Abu Sufyan na noon ay isang pagano ay nagsabi sa mga Muslim sa panahon ng digmaan ng Uhud: Kami ay may Al-Uzza samantalang kayo ay walang Al-Uzza. Magkagayon, ang Sugo ng Allah ay nagbigay utos sa ilang kasamahan nito na sabihin: "Ang Allah ang aming Tagapagtanggol at kayo ay walang tagapagtanggol. Si Manat naman ay natagpuan ni Qadid sa isang pook na ang tawag ay Mushalleh sa pagitan ng Makkah at Madinah. Ito ay sinasamba ng mga tribu ng Khuzah, Al Aws at Khasraj sa panahon ng Jahiliyah (bago dumating ang Islam). At sila ay nagsisimula ng mga ritwal ng Hajj sa pamamagitan ng pagtungo nila rito bilang tanda ng panimula ng Hajj. Ang Sugo ng Allah ay nagpadala ng ilang kasamahan niya upang wasakin ang rebultong ito. Si Khalid Ibn Waleed ang inatasan sumira nito at nagsabing: "O, Uzza ako ay walang paniniwala sa iyo". Walang papuri ang dapat ipagkaloob sa iyo. Nasaksihan ko kung paano ka inalisan ng dangal ng Allah". Ipinadala rin ng Sugo ng Allah si Al Mughirah b. Shu'bah at Abu Sufyan upang wasakin naman si Lat. Ginawa nila ito at duon ay nagtayo sila ng isang Masjid sa Taif. At kay Manat ipinadala si Abu Sufyan upang wasakin ito. Mayroong ding nagsabi na si Ali ang sumira nito. Ang Sugo ng Allah ay dumating sa mundo na ang dala ay relihiyon ng katotohanan at tapat na pagsamba sa Allah, at tanging ang Allah lamang ang Siyang nararapat sambahin. Inalis ng Sugo ng Allah ang lahat ng masasamang uri ng tradisyon at bawa't gawaing politiesta na maaaring sumira sa malinis na prinsipyo ng Tawheed.

nagpatuloy sa kanyang salita: "Inyong tutularan ang mga nakagawian ng mga naunang mamamayan, sila ay ang mga Hudyo at Kristiyano."¹¹⁰

ANG IKAAPAT NA ALITUNTUNIN

Ang mga politeista (nagbibigay katambal sa Allah ﷻ) sa ngayon ay higit na masama kaysa sa mga politeista noong nagdaang panahon, sapagka't ang mga naunang politeista ay laging nagbibigay katambal o kaugnay sa Allah sa oras na sila ay maginhawa nguni't nagiging tapat sa Allah ﷻ sa panahon ng kahirapan. Sa kabilang dako, ang mga politeista sa ngayon ay nagbibigay katambal o kaugnay sa Allah ﷻ sa panahon ng kaginhawahan at kahirapan. Ang patunay nito ay ang Salita ng Allah ﷻ:

فَإِذَا رَكِبُوا فِي الْفَلَكِ دَعَوْا اللَّهَ مُخْلِصِينَ لَهُ الدِّينَ فَلَمَّا نَجَّيْنَاهُمْ إِلَى الْبَرِّ إِذَا هُمْ يُشْرِكُونَ ﴿١٥﴾

“At kung sila ay nasa sasakyang dagat, sila ay nananalangin sa Allah nang buong taimtim at wagas na nananampalataya sa Kanya, nguni't kung sila ay nasa kati (tuyong lupa), sila ay nagbibigay katambal (o kaugnay) sa Kanya.”¹¹¹

Samakatuwid, makikita natin na marami ang sumasamba sa mga itinuturing na santo at sa mga libingan ng mga mabubuting tao. Sila ay mga tapat sa pagsamba sa mga ito at sila ay dumadalangin sa kanila upang humingi ng tulong sa panahon ng kaginhawahan at kahirapan. Ang karamihan sa kanila ay higit na nagiging matapat at mataimtim sa pagsamba sa kanila lalo na sa oras ng kagipitan o kahirapan. Taliwas sa mga naunang politeista, na sa panahon ng kaginhawahan lamang sila ay nagbibigay katambal sa Allah ﷻ nguni't sa panahon ng kanilang kahirapan o kasiphayuhan, sila ay tapat na dumadalangin ng tuwiran at nagpapakumbaba sa Allah ﷻ. Ngayong panahong ito, ang mga politeista ay patuloy sa kanilang maling pagsamba. Nguni't walang kapangyarihan o lakas (na maaaring baguhin ang mga pangyayari) maliban magmula sa Allah ﷻ, ang Dakila, ang Kataas-taasan.¹¹²

Ang Allah ﷻ ay nagsasabi ng katotohanan, at Siya ang Tanging Isa na nagbibigay ng tamang Patnubay. Ang Allah ﷻ, Luwalhati sa Kanya, ay nagsabi mula sa Banal na Qur'an:

قُلْ أَفَرَأَيْتُمْ مَا تَدْعُونَ مِنْ دُونِ اللَّهِ إِنْ أَرَادَنِيَ اللَّهُ بِضُرٍّ هَلْ هُنَّ كَاشِفَاتُ ضُرِّيهِ أَوْ أَرَادَنِي بِرَحْمَةٍ هَلْ هِيَ مُمْسِكَةٌ بِرَحْمَتِهِ قُلْ حَسْبِيَ اللَّهُ عَلَيْهِ يَتَوَكَّلُ الْمُتَوَكِّلُونَ ﴿١٢٨﴾

“... Sabihin: ‘Napag-isip-isip ba ninyo ang mga bagay na inyong dinadalanginan (o tinatawagan) bukod sa Allah, kung naisin ba ng Allah na ako ay masaktan, sila ba (na inyong mga dinadalanginan) ay makapapawi sa sakit na ipinalasap sa akin? O, kung naisin Niya ang Awa para

¹¹⁰ At-Tirmidhi. (Ang kasamahan ni Propeta Muhammad ﷺ na gumawa ng kahilingan sa kanya ay bagong yakap sa Islam. Inaakala ng mga bagong Muslim na ang pagkuha sa punong kahoy na ito ay makapagbibigay kasiyahan sa Allah ﷻ. Ang kanilang layunin ay makapagbigay kasiyahan sa Allah ﷻ. Sila ay ganap na tapat (sa pananampalataya) para maghimagsik laban kay Propeta Muhammad ﷺ na taliwas sa mga Angkan ng Israel na naghimagsik laban kay Propeta Moises. Ang nalalabi mula sa tradisyon ay binaggit na may pamumuna sa Aklat ng Tawheed na siyang tungkulin ng mga alipin ng Allah. Tingnan ito at kayo ay masisiyahan sa paliwanag nito. Ang Allah ang nakaalam nang ganap.”

¹¹¹ Qur'an 29:65

¹¹² Ito ay panalangin na tinatawag na “*hawqaleh*” na sinasambit-sambit sa panahon ng panghihina at walang kakayahang baguhin ang masamang kalagayan. Tanging ang Allah ﷻ lamang ang nakaalam ng mabuti. (MM)

sa akin, maaari ba nilang pigilin ang Awa (ng Allah)? Sabihin: ‘Sapat na sa akin ang Allah. Sa Kanya nagtitiwala ang mga may (tunay) na pagtitiwala.’¹¹³

At sinabi Niya ﷺ:

أَمَّنْ يُجِيبُ الْمُضْطَرَّ إِذَا دَعَاهُ وَيَكْشِفُ السُّوءَ وَيَجْعَلُكُمْ خُلَفَاءَ الْأَرْضِ أَلَيْسَ اللَّهُ بِكَافٍ عَبْدًا
وَمَا تَدَّكُرُونَ



“Hindi ba Siya (Allah) ang tumutugon sa dalangin ng isang nagdurusa? At Siyang nag-aalis ng kasamaan, at ginawa kayong tagapagmana sa lupa (sa bawa't salin-lahi)? Mayroon bang Diyos bukod sa Allah? Sadyang kakaunti lamang ang inyong naaalala (nakukuhang aral mula sa mga babala ng Allah).”¹¹⁴

At sinabi pa rin Niya ﷺ:

وَالَّذِينَ تَدْعُونَ مِنْ دُونِهِ مَا يَمْلِكُونَ مِنْ قِطْمِيرٍ ﴿٢٦﴾ إِنْ تَدْعُوهُمْ لَا يَسْمَعُوا دُعَاءَكُمْ وَلَوْ سَمِعُوا مَا
اسْتَجَابُوا لَكُمْ ۗ وَيَوْمَ الْقِيَامَةِ يَكْفُرُونَ بِشِرْكِكُمْ ۗ وَلَا يُنَبِّئُكَ مِثْلُ خَبِيرٍ ﴿٢٧﴾

“... At yaong inyong mga dinadalanginan sa halip na sa Kanya ay walang pagmamay-ari kahit *Qitmir* (manipis na balat ng buto ng datiles). Kung mananalangin kayo sa kanila, hindi nila maririnig ang inyong panalangin at kung maririnig man nila ay di rin nila kayang tumugon. At sa Araw ng Pagkabuhay na muli, itatakwil nila ang pagsamba ninyo sa kanila. At walang makapagbibigay ng kaalaman sa iyo (O Muhammad) na katulad Niya na may Ganap na Kaalaman (ng lahat ng bagay).”¹¹⁵

At karagdagan pa, Siya ﷺ ay nagsabi rin:

وَمَنْ أَضَلُّ مِمَّن يَدْعُوا مِنْ دُونِ اللَّهِ مَنْ لَا يَسْتَجِيبُ لَهُ إِلَى يَوْمِ الْقِيَامَةِ وَهُمْ عَنِ دُعَائِهِمْ غَافِلُونَ ﴿٢٨﴾ وَإِذَا
حُشِرَ النَّاسُ كَانُوا لَهُمْ أَعْدَاءً وَكَانُوا بِعِبَادَتِهِمْ كَافِرِينَ ﴿٢٩﴾

“At sino ba ang higit na naliligaw kundi yaong dumadalangin sa iba sa halip na ang Allah, yaong hindi makatutugon sa kanya hanggang sa Araw ng Pagkabuhay na muli at sila ay walang kamalayan sa kanilang panalangin? At kapag titipunin ang tao (sa Araw ng Pagkabuhay na muli), yaong sinasamba nila ay magiging kaaway nila at itatanggi ang kanilang gawang pagsamba (sa mga ito).”¹¹⁶

At ang Allah ﷻ, ang Siyang Tanging Isa na nagbibigay ng Patnubay sa Tamang Landas. Walang kapangyarihan o kakayahan maliban sa pamamagitan Niya ﷺ.

¹¹³ Qur'an 39:38

¹¹⁴ Qur'an 27:62

¹¹⁵ Qur'an 35:13-14

¹¹⁶ Qur'an 46:5-6



**ANG MGA PANANALIG NG MGA SALAF AS SALIH
(Ng Mga Naunang Mabubuting Muslim)**

Pagkaraan ng mga paunang salita, ako ay magpapatuloy, ako ay naniniwala (at nananalig) na ang Allah ﷻ ay Tanging Nag-iisang Diyos, maliban sa Kanya ay wala ng iba, ang Tanging Panginoong Makapangyarihan (**As-Samadh**)¹¹⁷, hindi Siya ipinanganak at hindi rin siya nagkaanak. Walang ibang dapat sambahin maliban sa Kanya. Sinuman ang nag-alay ng anumang gawang pagsamba bukod sa Allah ﷻ ay tinataguriang isang **Kafir** (walang pananampalataya).¹¹⁸

Ang **Ibadah** (pagsamba) ay isang kahulugan na sumasaklaw sa lahat ng bagay na minamahal ng Allah ﷻ sa salita man o sa gawa katulad ng limang haligi ng Islam, pagdalangin o pagdulog sa Kanya, pag-asa ng Kanyang Awa, pagkatakot sa Kanya, pagtitiwala sa Kanya, pagtupad sa mga pangako at panata at iba pang uri ng pagsamba. Ako ay nananalig na ang Allah ﷻ, ay malayo sa anumang kakulangan, at Siya ﷻ ay Ganap sa lahat ng Katangiang Kanyang iniakibat o itinaguri sa Kanyang Sarili o itinaguri sa Kanya ni Propeta Muhammad. At Siya ﷻ ay tinawag sa mga Banal na Pangalan na Kanyang ipinangalan sa Kanyang Sarili at Kanyang itinuro sa Kanyang Huling Sugo at Propeta na si Muhammad ﷺ. Ang Magagandang Pangalan at Ganap (Kasukdulang Antas) na Katangian ay tunay at makatotohanan at hindi ito mga talinhaga. Ang mga katangian ng Allah ﷻ na kinabibilangan ng pagpapaimbabaw Niya ﷻ sa Kanyang Trono, ay nangangahulugan na, Siya ay pumaimbabaw sa Trono na hindi binigyan ng paghahambing, pagkakatulad o pagkakahawig sa kaninumang nilikha. Ang Allah ﷻ ay nagsabi:

الرَّحْمَنُ عَلَى الْعَرْشِ اسْتَوَى ﴿٢٠﴾

“Ang Mahabagin (Allah) ay pumaibabaw sa Kanyang Trono.”¹¹⁹

Karagdagan nito, ang Salita ng Allah ﷻ ay walang hanggan at hindi nalilikha na binibigkas sa iba’t ibang pagkakataon.

Isinalaysay ng mga naunang mabubuting paham na Muslim na ang Allah ﷻ ay ganap sa Katangiang Pananalita at Siya ﷻ ay nagsasalita kung kailan Niya ﷻ naisin. Sa Kanyang salita-itong Banal na Qur’an na narinig ng Anghel Jibril ﷺ mula sa Kanyang Panginoon ay tuwiran na walang namagitan at ipinanaog kay Propeta Muhammad ﷺ, sa titik at kahulugan para sa pagsasakatuparan ng lahat ng pagsamba at ito ay walang maitutulad¹²⁰. Sa madaling salita, ang

¹¹⁷ Ang **Samadh** ay isa sa magandang pangalan ng Allah. Ito ay binanggit sa **Qur'an** 112. Ito ay nagpapahiwatig ng mga sumusunod: Na ang Allah ﷻ ang Panginoon na Siyang Tanging Inaasahan ng lahat at ang pagsunod ay dapat sa Kanya lamang ipagkaloob, na kung wala Siyang Kapahintulutan ang anumang pangyayari o gawain ay hindi matutupad. Siya ﷻ ang Tanging Isang Panginoon, at Tanging Nag-iisang Tagapaglikha ng lahat. Lahat ng bagay ay sa Kanya umaasa at bawa't nilikha ay umaasa sa Kanya upang mabuhay. Lahat ng bagay ay nagpapahiwatig ng Kanyang pagiging Ganap na Nag-iisang Diyos. (MM)

¹¹⁸ **Mushrik**- isang taong sumasamba sa mga diyus-diyusan, estatwa, larawang inanyuhan, at iba pa. Siya ay walang pananampalataya at pananalig sa Tanging Manlilikha at Nag-iisang Tunay na Diyos- Ang Allah.

¹¹⁹ **Qur'an** 20:5

¹²⁰ Ang **Qur'an** ay naglalaman ng mga Salita ng Allah ﷻ na hindi matutularan ng sino pa man. Ang mga paganong Arabo ay hindi nakagawa ng kahit isang talatang katulad ng talata ng Banal na Qur’an.

Banal na Qur'an ay hindi salita ng Anghel Jibril ﷺ o kaya ni Propeta Muhammad ﷺ kundi ito ay Salita ng Nag-iisang Diyos- ang Allah ﷻ na Kanyang binigkas sa titik at tinig. Binigkas Niya ﷻ ang Banal na Qur'an sa titik at tinig tulad ng pagkabigkas Niya ﷻ ng salita nang panahong kausap Niya ﷻ si Propeta Moises, nang ang huli ay lumapit sa isang puno:

إِنِّي أَنَا رَبُّكَ فَاحْجَعْ نَعْلَيْكَ إِنَّكَ بِالْوَادِ الْمُقَدَّسِ طُوًى ﴿١٢١﴾

“Katotohanan, Ako ang iyong Panginoon. Kaya, iyong hubarin ang iyong sapatos; sapagka't ikaw ay nasa banal na lambak ng Tuwa.”¹²¹

Maging sa Araw ng Pagkabuhay na muli, tatawagin ng Allah ﷻ ang lahat ng Kanyang alipin (tao) sa isang tinig na mapakikinggan sa kalayuan at sa malapitan na nagsasabing: **“Ako ang Hari. Ako ang Tagapagsingil.”** Sa ganito ring paraan, ang Allah ﷻ ay magsasalita sa Kanyang mga Sugo o Anghel o kahit kaninumang Kanyang naising makausap o di kaya ibaba sa kanila ang Kanyang mga Aklat ng Kapahayagan na naglalaman ng Kanyang mga Salita sapagka't ang Banal na Katangian Niya sa pananalita ay katulad din ng mga Katangian Niya ﷻ na hindi nalilikha (uncreated)¹²².

Katotohanan din na ang Allah ﷻ, Luwalhati sa Kanya, ay mayroon ding Katangian ng Pagmamahal¹²³, Kasiyahan¹²⁴, Pagkasuklam o Pagkamuhi¹²⁵, Pagbaba o Pagpanaog¹²⁶, Pagbibigay buhay at kamatayan, ang Kasiyahan Niya sa Kanyang aliping¹²⁷ (taong) nagbabalik loob at nagsisi ng kasalanan at ang Allah ﷻ na ganap na malayo sa anumang kakulangan, ay matatanaw ng mga mananampalataya at nananalig sa Kanya sa Araw ng Paghuhukom sa kanilang sariling mga mata.

Ang mga Katangiang ito ay hindi mga talinhaga kundi tunay na totoo tulad ng pagpapatunay ng Banal na Qur'an at Sunnah. Ang Allah ﷻ ay nagsabi:

قُلْ هُوَ اللَّهُ أَحَدٌ ﴿١﴾ اللَّهُ الصَّمَدُ ﴿٢﴾ لَمْ يَلِدْ وَلَمْ يُولَدْ ﴿٣﴾ وَلَمْ يَكُنْ لَهُ كُفُوًا أَحَدٌ ﴿٤﴾

¹²¹ Qur'an 20:12

¹²² Ang Salita ng Allah ﷻ ay isa sa Kanyang Katangian, at ang Kanyang mga Katangian, katulad ng Kanyang Diwa, ay hindi nalilikha at Walang Hanggan. Ang ibig sabihin, ang Kanyang Salita ay hindi katulad ng Kanyang mga nilikha na isinilang at nilikha sa ilalim ng Batas ng panahon, sapagka't Siya ay walang pagbabago at hindi magbabago at ang Kanyang diwa ay hindi nasasakop ng anumang pangyayari.

¹²³ Maraming talata (Ayat) sa Banal na Qur'an na malinaw na nagpapahiwatig na ang Allah ay may Katangian ng Pagmamahal; viz Qur'an 2:190, 195, Qur'an 2:222 (MM)

¹²⁴ Ang Katangian ng Kasiyahan ay matutunghayan sa 12 Ayat (mga talata) ng Banal na Qur'an, Qur'an 3:15, Qur'an 5:2, Qur'an 9:21, Qur'an 48:29 At Qur'an 59:20.

¹²⁵ Ang Katangiang pagkasuklam o pagkamuhi ay matutunghayan sa Qur'an 9:46 at Qur'an 17:38

¹²⁶ Si Abu Hurairah ay nagsalaysay na ang Sugo ng Allah ﷻ ay nagsabi: “Ang ating Panginoon ﷺ, ang Mapagpala, ang Kataas-taasan ay nananaog sa pinakamababang antas ng kalangitan sa ikatlong bahagi ng baw't gabi at nagsasabing: “Sino ang nagsusumamo sa Akin upang Aking ipagkaloo ang kanyang pagsusumamo? Sino ang humihingi sa Akin upang ibigay ko ang kanyang kahilingan? Sino ang humihingi ng kapatawaran upang siya ay Aking patatawarin? (Al Bukhari) (MM)

¹²⁷ Si Abdullah bin Mas'ood ay nagsalaysay na ang Sugo ng Allah ay nagsabi: “Ang Allah ﷻ ay higit na nasisiyahan sa pagbabalik-loob at pagsisisi ng Kanyang alipin (tao) kaysa sa isang alipin (tao) na naglalakbay sa lupaing disyerto nang may panganib, at ang kanyang hayop na sinasakyan ay puno ng mga kabuhayan. Ang taong ito ay namahinga at nakatulog at pagkaraan ay nagising at natagpuan ang kanyang hayop ay nawawala. Naging matindi ang init ng araw at siya ay nakadama ng matinding pagkauhaw. (Sa pag-akalang hindi niya ito matagpuan), siya ay nagpasiya: “Ako ay babalik sa aking lugar.” Siya ay muling nahiga at naidlip ng ilang sandali; nang siya ay magising, iniangat niya ang kanyang ulo at kanyang natanaw ang kanyang alagang hayop sa kanyang tabi. (Al Bukhari) Ang ibang salaysay tungkol sa nabanggit na tradisyong ay tinipon ni Imam Muslim at nagsalaysay siya ng ganito: “Nang makita niya ang kanyang hayop, ang tao ay napabulalas sa labis niyang kagalakan: “O, Allah, Ikaw ang aking alipin, at ako ang Iyong Panginoon”. Nadulas ang kanyang dila (nagkamali ng pagsambit) nang dahil sa matinding galak na kanyang nadama sa pagbabalik ng kanyang hayop.

“Sabihin: Siya ang Allah, ay Tanging Nag-iisa. Ang (Allah ay) As-Samadh¹²⁸. Hindi Siya ipinanganak at hindi nagkaanak. At sa Kanya ay walang makatutulad (at makapapantay).¹²⁹”

Ito ang matatag na batayang aming pinanghahawakan at ibinabantayog bilang tanda ng pagsunod sa Allah, ang pagbibigay galang sa Kanyang mga Pangalan at Katangian na hindi mababanaag ang anumang pagkakahalintulad, pagkakahawig sa paggalang na angkop lamang sa kaninumang tao.

Ang Allah ﷻ ay nagsabi rin:

لَيْسَ كَمِثْلِهِ شَيْءٌ وَهُوَ السَّمِيعُ الْبَصِيرُ ﴿٢٠٠﴾

“...Walang anumang bagay ang katulad Niya; at Siya ang Lubos na Nakaririnig, ang Lubos na Nakakikita.”¹³⁰

Kami ay sumasaksi na si Muhammad ﷺ ay Kanyang Alipin at Sugo sa sangkatauhan at maging sa mga Jinn, at siya ay nagpalaganap ng mensahe ng Islam. Binigyan niya ng katuparan ang kanyang tungkulin na ipinagkatiwala sa kanya, pinatnubayan niya ang kanyang mamamayan (Ummah) na may katapatan at nanatiling nakikipaglaban para sa Landas ng Allah hanggang binigyang kaganapan ng Allah ﷻ ang relihiyong Islam sa pamamagitan niya. Ang Allah ﷻ ay nagsabi mula sa Banal na Qur'an:

الْيَوْمَ أَكْمَلْتُ لَكُمْ دِينَكُمْ وَأَتَمَمْتُ عَلَيْكُمْ نِعْمَتِي وَرَضِيتُ لَكُمُ الْإِسْلَامَ دِينًا

“... Sa araw ng ito, Aking binigyang ganap ang inyong relihiyon para sa inyo, at Aking binuo para sa inyo ang lahat ng pagpapala, at pinili Ko ang Islam bilang inyong Deen (relihiyon at panuntunan ng buhay).”¹³¹

At pagkaraan nito, binawian siya ng buhay ng Allah ﷻ at pinagkaloob sa kanya ang pinakamataas na kalagayan sa Paraiso. Ang Sugo ng Allah ﷻ ay lumisan sa mundong ito at maging sa kanyang mga mamamayan ay lilisan din. Walang sinuman ang magkakaroon ng ganap na pananamplataya (Iman) hanggang ang kanyang mga pagnanasa, adhikain ay hindi umaayon sa mensahe na pinalaganap ni Propeta Muhammad ﷺ at hangga't hindi niya minamahal si Propeta Muhammad ﷺ nang higit sa kanyang sarili, sa kanyang mga anak at sa lahat ng sangkatauhan. Ang pagmamahal sa Sugo ng Allah ﷻ ay isang pagpapahiwatig ng pagsunod sa kanyang mga kautusan, ang paniniwala sa kanyang mga pahayag at pag-iwas sa lahat ng kanyang ipinagbabawal. Ito ay nangangahulugan din ng pagsamba sa Allah ﷻ sa paraang kanyang ipinagutos at sinang-ayunan.

Ang Sugo ng Allah ﷻ ay hindi dapat itaas, o bigyan ng labis na papuri nang higit sa antas na ipinagkaloob sa kanya ng Allah sa pamamagitan ng pagdalangin sa kanya o paghingi ng tulong mula sa kanya. Ang Sugo ng Allah ﷻ ay nagsabi:

¹²⁸ Tingnan ang paliwanag (Tafseer) na nasa pahina 70

¹²⁹ Qur'an 112:1-4

¹³⁰ Qur'an 42:11

¹³¹ Qur'an 5:3

(الدعاء هو العبادة)

“Ang (diwa ng) dalangin ay pagsamba.”¹³²

At sinabi rin niya:

(إنه لا يستغاث بي وإنما يستغاث بالله عز وجل)

“Katotohanan, Hindi ako ang dapat hingan ng tulong; (kundi) sa Allah (kayo magsikhay ng tulong), Siya ang Nag-iisang dapat hingan ng tulong (o pagdamay).”

Ang paghingi ng tulong mula sa Sugo ng Allah ﷻ o kahit kaninumang mabuting tao ay katumbas ng (kasalanang) **Shirk**, isang gawang politeismo. Gayundin, ang pagdalangin sa iba bukod sa Allah ﷻ upang makatanggap ng mga biyaya o makapag-alis ng mga masasama sa pamamagitan ng mga ito, pag-alay ng mga hayop para sa kanila, ay nagpapahiwatig ng pagbibigay katambal sa Allah ﷻ kahit na ito ay kinabibilangan ng mga litanya o dasal. Ang mga ito ay itinuturing bilang isang uri ng **Shirk** at isang dahilan upang mapaligaw sa tamang landas. Ang mga gawaing ito ay walang mga batayan mula sa Allah ﷻ. Ang Allah ﷻ ay nagsugo ng mga Propeta upang maiwasan at alisin ang ugat ng idolatriya at linisin ang puso mula sa kasalanang ito. Walang lakas at kapangyarihan maliban sa Allah ﷻ, ang Kataas-taasan, ang Dakila.

Kami ay naniniwala (at nananalig) na ang mga Anghel at ang mga Banal na Kasulatan ay totoo, ang mga Propeta ay totoo, ang Pagkabuhay na muli pagkaraan ng kamatayan ay totoo. Ang Paraiso ay totoo at ang Impiyerno ay totoo. Kami ay naniniwala rin na ang **Timbangan**¹³³ ay totoo, at ang **Hawdh**¹³⁴ ng Propeta Muhammad ﷺ ay totoo; sinuman ang uminom mula rito ay hindi makararanas ng pagkauhaw. Subali't pagkakaitan mula rito ang mga *Apostates* (nagtakwil at tumalikod sa Islam pagkaraang nilang yakapin ito) at ang mga taong nagsagawa ng mga pagbabago sa relihiyon (*Bi'daah*).

Kami ay naniniwala sa **Qadar** (kinahinatnan o kapalaran) maging mabuti o masama. Kami ay naniniwala na ang pamamagitan ni Propeta Muhammad ﷺ at maging ang lahat ng mga Propeta at mga mabubuting tao ay totoo nguni't ito ay magaganap lamang kung pahintulutan ng Allah ﷻ. Siya ay nagsabi mula sa Banal na Qur'an:

مَنْ ذَا الَّذِي يَشْفَعُ عِنْدَهُ إِلَّا بِإِذْنِهِ

“... Sino ang makapamamagitan sa Kanya maliban Kanyang pahintulutan?...”¹³⁵

At Siya (Allah ﷻ) ay nagsabi rin :

وَلَا يَشْفَعُونَ إِلَّا لِمَنْ أَرَادَتْ

“...‘Hindi sila makapamamagitan malibang siya ay kinalulugdan Niya ...”¹³⁶

¹³² Abu Dawood at Tirmidhi

¹³³ Ito ang **Timbangan** na siyang batayan ng pagsusuri ng masama at mabuting gawa ng tao sa Araw ng Paghuhukom. (MM)

¹³⁴ Ang **Hawdh** ay isang ilog ng Sugo ng Allah ﷻ. Ito ang ilog na kung saan ang mga mabubuting mananampalataya ay pagkakalooban ng inumin sa Araw ng Paghuhukom. Ito ay tinatawag ding “Al Kawthar”. (MM)

¹³⁵ Qur'an 2:255

¹³⁶ Qur'an 21:28

At ating Propeta ﷺ ang siyang unang tagapamagitan at siya ang una na ang pamamagitan (**intercession**) ay tatanggapin. Mayroong natatanging pamamagitan na siya lamang ang pagkakalooban. Ang una rito ay ang tinatawag na *Maqam Al Mahmoud* o ang tinatawag na “*Pinagkakapuring Antas*” na ninanais din ng ibang mga Propeta at Sugo. Ang ikalawa ay ang pamamagitan (**intercession**) upang iahon ang kanyang tagasunod mula sa Impiyerno¹³⁷. Ang ikatlo ay ang pamamagitan ng pagpapalaya at pag-ahon ng kanyang mga tagasunod mula sa Impiyerno at ang pagpasok sa Paraiso pagkaraang sila ay maging malinis at mapatawad.

Kami ay naniniwala na ang pinakamabuting henerasyon ay ang henerasyon ni Propeta Muhammad ﷺ na naniwala sa kanya (i.e. ang kanyang mga kasamahan). At pagkaraan ay yaong mga sumunod sa kanila nang buong katapatan. Si Propeta Muhammad ﷺ ay nagsabi: “**Ang pinakamabuting henerasyon ay ang aking henerasyon, pagkaraan ay ang kanilang mga tagasunod, pagkaraan ay ang mga sumunod naman sa kanila.**”

Kami ay nananampalataya (at nananalig) na ang pinakamahusay (pinakamabuti) na salita ay ang Salita ng Allah ﷻ, ang pinakamabuting patnubay ay ang patnubay ni Propeta Muhammad ﷺ, na ang pinakamasamang bagay ay ang mga pagbabago sa gawaing pangrelihiyon, at ang bawa't pagbabago ay (tanda ng) pagkaligaw. Kung hindi lamang sa pangamba ng kahabaan nitong pagpapaliwanag, mailalarawan namin ang mga patunay ng bawa't katanungan mula sa Banal na Qur'an at Sunnah ni Propeta Muhammad ﷺ at maging sa mga pinagkaisang pasiya (**Ijma**) ng mga naunang mabubuti at paham na Muslim.

Nawa'y patnubayan tayo ng Makapangyarihang Allah ﷻ sa tuwid na landas sa lahat ng ating mga gawa at salita. Nawa'y pangalagaan tayo mula sa mga pagsubok na nakapagpapaligaw, maging lantad man o nakakubli. Tayo ay dumalangin sa Allah ﷻ na ipagkaloob sa atin ang katatagan sa pagsunod sa Islam at tulutan Niyang ﷺ tayo ay mamatay sa kalagayang Islam. Nawa'y ang kapayapaan at pagpapala ng Allah ﷻ ay ipagkaloob Niya ﷻ sa ating minamahal na Propeta Muhammad ﷺ at sa kanyang pamilya.

وصلی الله علی نبینا محمد وآله وسلم

Itong batayan ng mga naunang mabubuting Muslim - Tagasunod ng *Aqeedah Salafiyyah*, ay isinulat ni **Sheikh Muhammad Al Tayeb ibn Ishaq Al-Ansari** sa lungsod ng Madinah Al-Munawarah noong 1358H. Siya ay binawian ng buhay noong 6/7/1363H. Ito ay isang paalala para sa kanya at sa lahat ng magkakapatid na Muslim. Nawa'y pagpalain siya ng Allah ﷻ.

As salamu alaikum

¹³⁷ Ang tamang paliwanag dito ay: Ang pamamagitan (intercession) upang iahon mula Impiyerno ang mga nasadlak dito na sanhi ng kanilang mga kasalanan at ito ay hindi lamang nakalaan kay Propeta Muhammad ﷺ kundi ang pamamagitan (intercession) ito ay nakabahagi sa ibang Propeta. Ito ay matutunghayan mula sa mga Hadith ng Sugo ng Allah ﷻ. At yaong nauukol sa Sugo ng Allah ﷻ pagkaraan ng Malaking Pamamagitan (Intercession) ay isang pamamagitan tungkol sa pagpasok ng mga tao sa Paraiso katulad ng paliwanag ng naturang Hadith. Gayundin, ang pamamagitan upang gawing magaan ang parusa ng kanyang tiyuhing si Abu Talib. Ang paliwanag na nasa itaas ay mula kay **Abdul Aziz ibn Abdullah bin Baz**, ang Pangulo ng Presidency of Islamic Researches, Ifta and Propagation. Nawa'y patawarin siya ng Allah ﷻ at ipagkaloob sa kanya ang tagumpay sa bawa't mabuti niyang gawa.

WAKAS

Para sa karagdagang impormasyon tungkol sa Islam, mangyaring makipag-ugnayan sa mga sumusunod na tanggapan sa Pilipinas:

ISCAG – Philippines
Islamic Studies, Call & Guidance of the Philippines
Congressional Road, Salitran-I
Dasmarinas, Cavite
Philippines
Telephone No. 0063-46-4163371
Fax No. 0063-46-5061451
www.iscag.com

IL&IO
Islamic Library & Information Office
P.O.Main Box 52916
Stall-B, HL Commercial Building
Pandan Citicenter – Phase-I
Magalang Road, Angeles City
Philippines
Tel.No. 0063-45-8874577
Email: weblikislm@hotmail.com

AFIA, INC.
Al Furqan Islamic Association, Inc.
e-Mail: info@afiainc.org
www.afiainc.org

This book is edited by TT&ESS
Tagalog Translation & Editing Support Services

